

東
華
續
錄

光緒七十一

臣朱壽朋敬編

臣張毓英恭校

六月己巳諭戶部奏雲南運餉各員期滿請旨更換一摺雲南辦解六起二批京銅現據咨報起程此後續辦銅斤次第運解所派沿途各員期滿該部查照例案將經過之四川湖北江蘇直隸等省藩臬開列名單請旨更換四川著派易佩紳湖北著派黃彭年江蘇著派譚鈞培直隸著派松椿卽責成各該員嚴飭各道府及沿途地方文武員弁認真稽查催護送前進如有無故逗留及盜竇短少等弊詳報該督撫嚴行參辦沿途應需水師照料之處卽由派出之員詳咨前送督撫及水師提督調遣仍著自奉旨之日起以三年爲限均責成此次所派之員一體經理遇有升調事故卽令接任之員遵辦期滿後再行更換○辛未諭楊岳斌劉銘傳孫開華奏臺北解嚴請將歷年戰守尤爲出力將弁官紳及籌運出力人員獎勵各摺片劉銘傳駐守臺北未能相機決策攻復基隆本屬無功足錄而各營將弁官紳固守要隘歷時甚久迭次接仗亦能竭力抵禦自不能因督帥之不力並沒行間効命之勞惟所請獎敘未免過優應量行核減酌予恩施提督蘇得勝著交部從優議敘卹中林胡棟著以道員不論雙單月遇缺儘先前選

用總兵劉朝祐著以提督記名簡放道員陳鳴志著以道員歸江蘇候補班遇缺題奏提督聶士成著以總兵交軍機處記名遇有海疆總兵缺出請旨簡放副將太和著遇有陝甘總兵缺出請旨簡放副將劉天雲著交部從優議敘提督劉見榮著以提督交軍機處記名請旨簡放總兵易玉林著以提督交軍機處記名請旨簡放總兵唐安仁廖得勝桂占彪均著賞給一品封典副將談發祥著以總兵記名簡放游擊蕭清福著免補游擊以參將儘先補用參將鄭洪勝著免補參將以副將儘先補用都司陳輝煌著免補都司以游擊儘先補用知府方策勳著免補本班以道員改留閩省補用知縣鄭建中著免補本班以直隸州知州仍留閩省歸候補班補用郎中林汝梅著以道員不論雙單月遇缺儘先選用知府陳霞林著免補本班以道員仍留原省歸候補班補用內閣中書洛成清著以同知不論雙單月遇缺儘先前選用廩生李秉鈞著以縣丞不論雙單月遇缺儘先前選用同知劉勳著免補本班以知府仍留閩省歸候補班補用縣丞蔣本鑑黎庶懷均著俟補缺後以知縣仍留原省補用縣丞戴運寅著俟選缺後以知縣歸候補班補用福建布政使沈保靖前長蘆鹽運使額勒精額道員奎俊均著交部從優議敘道員伍廷芳著仍以道員不論雙單月選用儘量懷孫以昂葉文瀾均著交部從優議敘朱福榮胡喬榮均著仍以道員歸候補班補用邵友濂著賞給一品封典副將武清龍著賞給參將銜已革

道員裕庚著以知府留閩補用已革花翎四品官兼佐領金福元著銷除永不敘用字樣王詩正沈應奎均係已革司道大員左宗棠並未先行奏明輒令赴營本不應給予獎敘姑念該革員等業經渡臺不無微勞星錄王詩正著賞給五品頂戴沈應奎著賞給四品頂戴至單開之提督曹志忠等四員及片奏之提督彭楚漢總兵吳鴻源據稱該員等奮勇出力請分別獎勵等語曹志忠楊金龍申道發興陳彭楚漢均著交部從優議敘吳鴻源著賞給頭品頂戴陣亡之總兵曾照禮副將劉義高千總段有升把總尤運慶鄭文等均著交部照陣亡例從優議卹該部知道○曾國荃奏 臣於光緒十一年五月初四日由驛附奏閩粵浙江等省應通力合作一片聲明後臆鎮礮為最要軍械一經海口封禁購辦無從應卽先事購備並添購機器拒廢仿造庶免缺乏之虞業飭上海金陵兩機器局遵照妥辦在案旋奉五月初九日上諭現在和局雖定海防不可稍弛亟宜切實籌辦籌後為久遠可恃之計船廠應如何增拓礮臺應如何安設鎗械應如何精造均須破除常格實力講求江蘇本有機器局現應如何變通措置著妥議奏辦等因跪誦之下始知一得之愚實已 廟算之先周莫名欽佩當卽分別轉行欽遵應俟議詳到日再行奏明辦理內機器局一節查蘇省之局有二一設上海一設金陵但就金陵一局情形言之經費本較滬局為儉自光緒五年歸併五龍山分局以後益苦難於敷衍而遞年以來承辦南北洋各防營軍火統

造分解既副所需亦適於用是以各省開風時有託製之件去年法事方急處處戒嚴益苦應接不暇計自六月起該局撥應各省者以百礮位廣東有十二磅來福銅礮十尊之案雲南有後膛礮四尊之案浙江有過山礮二十尊之案臺灣有兩磅後膛礮六尊十管格林礮十尊四門神機礮四尊之案湖北有二十四磅洋生鐵開花礮五尊之案會辦北洋事宜吳大澂有兩磅後膛礮六尊之案江西有劈山礮十尊前膛礮一百尊之案以百子彈程文炳行營有鉛子自來火等件之案劉銘傳行營有炸彈實心彈等件之案且以上所有礮位尙須配齊子彈架具必充必備以資取用而南北洋之所需者不計焉當各省囑製之時莫不緘口交馳急如星火而工程非甚重大則極瑣碎一器之磨礱國抽輒易數手而後成每件之表裏精粗或經累月而始竟工等以各省所需義應不分畛域但該局力所能及者無不立飭製造亦幸該局總辦道員龔照綏郭道直及提調等皆力顧大局奮勉從公以故數月以來尙能相其緩急分別應付第當併力造工之際匠丁等非不尋食晨興籌燈夜作而尙有顧此失彼之憾者推原其故由廠屋尙窄機器無多未能擴充所致所以未能擴充者則額定之經費限之查該局常年經費自光緒五年起分局歸併總局以後南北洋每年各撥銀五萬兩九年分南洋加撥銀一萬兩現在每年額領南北兩洋經費銀僅十一萬兩而兩洋之軍火實於是各省之軍火亦實於是所操者約而所施者博固無怪該

局之左支右絀竭蹶日甚現在 諭旨飭令雙通機器局務並許其破除常格誠以鎗礮為行軍利器臨
事制勝之用必由平日儲備而來 聖意至為深遠 臣等竊以為若無可憑之基而草創之則費鉅而成
難若就已然之勢而推廣之則事半而功倍今該局成效如彼需費如此 臣等如尙存因陋就簡之見何
以仰慰 宸懷查該局所製如兩磅後膛來福長銅輕銅十管四管連珠各種礮位前後膛各種擡鎗均
屬西法新式利器與外洋精緻相埒用之行仗最為相宜工料價值較之購自外洋者又實減二三成不
等前此海道梗阻各省所購軍火或郵寄香港東洋及新加坡各處雖定價已付而取用為難即有効命
之勁旅豈能徒手當敵設皆一一自造取攜由我何有隔絕之虞以言利則如彼以言害則又如此 臣等
悉心酌度竊以為欲收製造之利首在添造廠屋增購機器其常年經費即須寬籌然後綱舉目張乃有
左右逢源之妙現與該局員等再四熟商擇其製造鎗礮子彈必不可少之機器已分別定購五十餘副
合之拓增廠屋經費二共約需銀十萬兩其每年工料經費約須添銀至多以五萬兩為率此款擬先在
洋藥加增稅釐項下動撥其不敷者再由 臣等於原撥續撥各關局庫分別湊撥此後多一內地製造之
費即少一外洋購買之費蠲縮已足相抵而該局放手製造用意講求技日益精器日益多無事以為操
練之用有事以為禦侮之用似於防務利源兩者均屬有裨下戶部知之○甲戌出使英法大臣曾紀澤

在英領事與英外部大臣會議續增煙臺條約專條十款成其文曰 大清國國家大英國國家因查一千八百七十六年九月十三日在煙臺所定條約第三端第一第二兩節所擬通商各口免輸洋貨釐金地界及劃定洋人居在地界各辦法均須再行商酌又查煙臺條約第三端第三節所載之詞於認真整頓洋藥貿易之法尙欠詳細抑且深願聲明於行銷洋藥之事須有限制約束之意是以定此續增專條 第一款 一煙臺條約第三端第一第二兩節所擬辦法現在議定應由兩國國家日後再行商酌 第二款 二煙臺條約第三端第三節所擬洋藥辦法今議定改爲洋藥運入中國者應由海關驗明封存海關准設具有保結之棧房或封存具有保結之運船內必俟按照每百斤箱向海關完納正稅三十兩并納釐金不過八十兩之後方許搬出 第三款 三現在議定凡照上節所載正稅釐金兩項完納之後該貨主即可在具有保結之封存處所限同海關將洋藥拆改包裝其貨包各種式樣尺寸應由海關官員會同該口領事官預先酌定聽貨主擇用如貨主於此時請領運貨憑單海關即當照給不取分文其所請憑單或每包一張或數包一張悉聽貨主之便凡有此等運貨憑單之洋藥運往內地之際如貨包未經拆開鹽包上之海關印封記號碼數均未擦損私改即無須再完稅捐等項此等運貨憑單只准華民持用而洋人不利於此項洋藥者不許持用憑單運寄洋藥不許押送洋藥同入內地 第四

欸 四現在議定給發憑單章程各口一律其憑單式樣開列於後 載運洋藥憑單 爲給發憑單事

照得單內所開蓋用記號碼號之洋藥遵照每百斤箱應納正稅釐金章程業經納銀共 兩按照憑

單背面附刊 上諭批准一千八百八十五年七月十八日在倫敦所定一千八百七十六年九月十三

日煙草條約之續增專條凡照此憑單載運之洋藥無論在於何處祇查貨包未開海關印封記號碼號

均未擦損私改則一切稅捐等項均免輸納 記號 碼號 第 何處進口

發單日期 海關稅務司簽名 第五欸 五中國國家應許此等貨包在

行銷洋藥地方開拆者如有應納稅捐等項或當時所徵或日後所設或由明收或由暗取均不得較土

煙所納稅捐等項格外加增亦不得別立稅課如此等稅捐係照貨價計課即應將洋藥與土煙價值相

較均算其較算之法應於洋藥之市價內扣除進口時所納釐金 第六欸 六現在議定此次所定續

增專條應與一千八百七十六年九月十三日所定煙草條約視同一律其實力鄭重之處亦與逐字載

入煙草條約無異此專條應於盡押以後六箇月開辦施行此指兩國批准文據已在期內互換而言倘

期內未能互換即自互換之日開辦施行 第七欸 七專條所載洋藥章程議定照行四年四年以後

兩國如有欲廢棄章程者無論何時皆可先期十二箇月聲明一經通知屆期即爲廢紙惟議定倘查所

發運以憑單於海口運送洋藥前往內地行銷處所之時仍不免其輸納一切稅捐等項則無論何時英國即有廢棄專條之權倘續增專條既經廢棄則洋藥辦法仍應照現在所行之天津條約所附章程辦理

第八款 八續增專條既經開辦如查其中有應行變通更改之處兩國國家即可會同商議酌改

第九款 九煙禁條約第三端第七節所載派員查禁香港至中國偷漏之事應即作速派員

第十款 十此次專條所改之煙禁條約暨此次議定續增專條一併由兩國朝廷批准文據應在倫敦作速交換定約大臣各奉本國國家之命議定續增專條畫押蓋印此專條係在倫敦繕立漢文兩分英文兩分共為四分○曾紀澤奏 於光緒九年三月初十日承准總理各國事務衙門咨開奏請 特派出使大臣與英外部商辦洋藥事宜一摺奉 旨另有旨欽此恭錄 諭旨鈔錄原奏咨行欽遵同日承准軍機大臣字寄光緒九年正月十二日奉 上諭總理各國事務衙門奏請飭出使大臣商辦洋藥稅釐事宜一摺洋藥稅釐併徵載在煙禁條約延擱數年迄未開辦迭經該衙門與英使威妥瑪商議總以咨報本國為詞藉作延宕地步該使現已回國著特派曾紀澤辦理洋藥稅釐併徵事務該大臣洞達事體尚能力持大局務將此事查照該衙門節次電函與英外部妥為商辦期在必成如李鴻章前議一百一十兩之數併在進口時輸納即可就此定議仍著該大臣酌度情形力與辯論其應如何酌定防弊章程設

立格徵總口之處均由該大臣與英外部商定後報明該衙門咨行南北洋大臣詳議核辦洋藥流毒多年自應設法禁止英國現有禁煙會願以洋藥害人爲恥該大臣如能乘機利導聯絡會紳與英外部酌議洋藥進口分年遞減專條期於逐漸設法禁止尤屬正本清源之至計并著酌量籌辦將此諭令知之欽此遵 旨寄信前來仰見我 皇太后 皇上軫念惻癯維持習俗既思裕課通商之計仍以振民育德爲心跪讀之餘莫名欽感先是 臣於光緒八年秋間接准總理衙門七月初三日兩稱洋藥加稅一事屢與威使商酌迄未就緒嗣因北洋大臣李鴻章議於正稅之外加徵八十兩統計釐稅一百一十兩威使加至百兩之語并據照會已咨本國倘外部詢及卽望與其酌議自仍抱定一百一十兩一層辦理如能就範自屬最妙倘彼堅執不稍轉移或我示以大方卽照威使百兩之議辦理此事卽可定局嗣准該衙門光緒九年四月初五日兩稱威使原允白金如不能酌加中國亦祇可俯從內地免釐自應切實承辦酌議辦法拆包零賣卽未便另收稅項土煙釐金亦須酌加決無偏抑洋藥之理惟土煙成本既輕難與洋藥一律且此層亦關係中國自主卽各國科稅往往重於客而輕於土勢不能以柄授人措詞應留地位等因伏查洋藥稅釐併徵一案曾經前任駐英出使大臣郭嵩燾與前任英國外務部尙書侯爵沙力斯伯里面商擬收每箱釐金銀六十兩合正稅共銀九十兩沙力斯伯里堅執不允又經原任直隸總

將張樹聲與英商沙苗商議承攬之法合計正稅釐金共一百兩經總署王大臣議駁并於覆奏摺內聲明將來英國如果自願設立總商承辦屆時應如何議定稅釐併徵確數再行奏明辦理等因其時英廷既不以沙苗承攬爲然亦不允照沙苗所擬章程中百兩之數沙苗一案遂亦作爲罷論思大學士左宗棠奏請洋藥稅釐併徵一百五十兩之議原非專爲稅釐起見實欲藉操洋藥價值使民間吸食漸少其後數次商議屢經跌至自二十兩百一十兩一百兩九十兩紛紛不一及臣遵旨與英國前任外部尙書伯爾及侍郎龐斯菲德克當等商論之時或具分條節略或與逐條面談該外部援引前說力爭數日久而未定禁煙會紳屢發莊論責以大義外部始允加至一百零五兩臣格遵諭旨仍未敢遽行松口最後乃爭得一百一十兩之數本年二月准該外部允照一百一十兩之數開具節略咨送前來并據照會聲明專條既定如中國不能令有約各國一體遵照英國卽有立廢專條之權等因外部始欲將此意載入專條經臣爭之再四乃改辦照會查總理衙門光緒九年四月初五日來函卽稱如議定併徵稅釐章程不悉各國不允上諭之見亦以爲英國約章既定之後在我儘可將各國未向海口照章納釐之洋藥准其進口而加重內地釐金務使各國不能不遵英約本非甚難之事然各國不遵英卽廢約之計如徑載入約內誠恐各國串通挾制抑或藉此市惠希圖別項利益臣所以力爭不肯載入

約中也。臣細查所送之節略，即係商定之約稿，其首段限制約束之語，先經屢次爭論，乃得寫入專條。緣逐年遞減之說，印度部尙書堅執不允，據印度部侍郎配德爾密告臣處，參贊馬格里云：照專條辦法，印度每年已減收稅課英金七十餘萬磅。中國若欲陸續禁減洋藥入口，惟有將來陸續加稅金以抵吸食之人，而不能與英廷預商遞減之法。蓋印度種煙之地未盡隸屬於英，英廷雖允遞減，亦無權力見諸施行等語。臣知英吉利係君權有限之國，該侍郎所稱無權力見諸施行者，係屬實情。遂未堅執固爭，而請外部於專條首段加入於行銷洋藥之事，須有限制約束之意一語，以聲明此次議約加稅之旨，而昭伏將來修約議加之根。至如何酌定防弊章程，設立稽徵總口之處，查煙土條約第三端第五節原有由英國選派領事官一員，由中國選派平等官一員，由香港選派英官一員，會同查明核議定章，總期於中國課餉有益等因。臣於此次所訂專條第九款，又復聲明前說，將來派員商定，自不難妥立章程，嚴防偷漏。其餘各條核與總理衙門函電囑辦之意情形相同。比即摘要電請核議，代奏旋於五月初二日承准該衙門覆電，洋藥事即照議畫押遵行。電達等因。維時適當英外部尙書伯爾蘭斐爾退位前，外部尙書侯爾沙力斯伯里推為英國首相，仍兼外部尙書之任。該尙書即係堅拒前出使大臣郭嵩焘稅釐九十兩之議者。臣恐事有中變，疊次催請訂期畫押。該外部忽稱印度部因內閣學士周德潤奏參

鳳陽關違例收稅一摺案臣文據擔保此次所訂專條不致爲官吏所壞卒致不行等語臣復向外部辯說最後具版聲明條約既定不至有例外之勒索照覆去訖始准該外部六月初三日來文定明初七日肅押臣屆期帶同英文參贊官馬格里法文編譯官慶常前往外部與沙力斯伯里將續增條約專條漢文英文各二分校對清楚互相責押蓋印此先後辦理茲案之大略情形也伏念臣以非材膺茲重任深懼措施失當上負 天恩竊幸英外部克如所議按此次所訂條約除第二條稅釐併徵數目恪遵 諭旨議得百一十兩外又於第五條議得洋藥於內地拆包零售仍可抽釐是內地并未全免稅捐將來若於土煙加重稅釐以明禁滅則洋藥亦可相較均算另加稅釐至總理衙門函稱土煙加稅措詞應留地位一層臣於專條中并未提及土煙加稅之說以保我中國自主之權凡此皆仰蒙 聖訓指授機宜許臣以酌度情形妥爲商辦加以總理衙門王大臣平心體察函電周詳俾臣有所遵守是以英國廷臣雖經迭次更易終得就我範圍也除將此次繕寫煙釐條約正本暨臣與英國外部議定續增專條漢英文各一分飭派隨員候選知府李瑞林齎呈總理衙門覆核具奏恭候 聖裁并將臣與英國外部肅押蓋印之續增專條咨呈總理衙門外所有遵 旨與英國外部議定煙釐條約之續增專條肅押蓋印日期及辦理緣由理合恭摺陳得 旨該衙門知道○乙亥岑毓英奏查雲南文報遲滯實因道途窳遠前

以軍需支絀未敢請款設立電綫遇有緊急奏件皆由臺站兩遞至廣西南寧府左江道電局轉電粵東復由粵東轉電京都查由雲南蒙自縣至廣西南寧路程三十二站山徑崎嶇馬不能馳由健夫傳遞至連亦須十日途遇風雨阻滯往往十二三日始達山南寧轉電粵東計一日由粵東轉電京都計一日從連計算來往共須二十四日遲則必須一月之期現在軍務稍鬆軍餉逐漸可省籌款較易且目下開辦通商中外交涉緊要事件甚多似應由廣西南寧接設旱電綫直至雲南或在湖南接設至貴州以達雲南可否請 旨敕部籌款辦理以期速文報而應事機之處伏候 聖裁 上諭岑毓英奏雲南文報由蒙自至廣西南寧驛遞遲滯請飭籌設電綫等語前省程站遙遠文報擠遲嗣後邊防商務均關緊要自應妥設電綫以期迅速著照該督所請由廣西南寧接設電綫直達雲南其應如何擇地安綫之處並著李鴻章會同岑毓英李秉衡派員前往察看妥為籌畫奏明辦理○熊景釗奏光緒十年八月初五日內閣奉 上諭所有各省積年民欠正耗著各督撫將光緒五年以前實欠在民者詳細查明所屬州縣銀數若干開單具奏候朕降旨全行豁免等因欽此仰見 聖恩寬大嘉惠閭閻之至意臣恭繹 諭旨所謂實欠在民則已完在官者不准捏爲民欠可知矣溯查同治年間奉 旨豁免民欠以後十餘年來各省間有水旱偏災或荒田未盡開墾或流亡未盡復業積欠在民誠所難免至若丁漕並徵省分民力不

逮所欠尤多若長此短徵鉅款誠屬有損庫儲然米盡係實欠在民則此次查辦豁免窮簷盡得普
沾 聖朝浩蕩之恩乃近年以來貪猾不肖州縣往往徵多報少任意侵挪追新舊交代之時輒將侵挪
之數列款濫抵並將徵存未解混入民欠項下希圖豁免旋編氓有限之脂膏飽貪吏無窮之窟窿欠糧
之名歸於民免糧之實歸於官積習相沿各省一轍近見邸鈔浙江撫臣劉秉璋奏查辦豁免民欠錢糧
先追濫歛一摺洞悉此弊於欽奉 恩旨後密委委員赴各府州縣勒提未改換之交代等冊到省發局
查覈不准將徵存未解之錢糧混稱民欠辦事甚屬認真臣誠恐前項弊端各省皆所不免擬請 飭下
各督撫仿照浙省清釐民欠章程委員勒提各州縣歷任交代冊籍及歷年徵收錢糧三連串底到省詳
核倘有隱匿已完錢糧混入民欠侵挪濫抵者一經查出不准豁免仍勒限提解部庫外並治以應得之
罪庶庫儲少一漏卮而貪吏知所儆畏小民即受實惠無窮矣 上諭御史熊景釗奏豁免民欠錢糧請
飭仿照浙省章程核實辦理一摺上年八月降旨豁免民欠錢糧原所以加惠閭閻期於窮黎有裨豈可
任令不肖州縣將收存未解銀兩混入民欠項下以編氓之脂膏飽貪吏之窟窿殊非朝廷體恤民生實
事求是之至意本年浙江巡撫劉秉璋查辦民欠錢糧於奉旨後勒提交代冊籍錢糧年底發局查核辦
理尚屬認真著各直省督撫查照浙省清釐民欠章程切實經理總期實惠及民不准絲毫朦混倘有前

項情弊定惟該督撫是問○李鴻章奏去夏法提督統率兵艦來華恫喝肆擾海疆不靖招商局輪船駛行洋面且有戒心法人偏佈謠言遇船劫奪船貨成本太重眾商懼遭不測之禍遂議仿照西國通例暫售與美國旗昌行主代為經營換用美旗俾可照常駛行以保眾商成本其價照原值銀兩以銀票如數抵給經道員馬建忠與英國律師相文及旗昌反擬商論俟中法事定將銀票給還旗昌仍由局收回船產兩不失信馬建忠因與眾商定議暫售寫立合同契據經臣於上年七月間詳細奏報奉 旨俟事定後務當即行收回等因欽此九月間旗昌行東士米德來津臣復飭道員盛宣懷與該行東預行妥商堅訂屆期收回密約欽奉十月二十四日 寄諭招商局暫售他人係馬建忠經手著俟該員回津後即將收回一事嚴切責成妥為辦理等因今年法約定後遵即責成該員並派盛宣懷會辦欽奉四月二十九日電 旨著遵辦前行將招商局輪船迅速收回其如何辦理之處即行覆奏等因欽此又經轉飭遵照旋據稟稱盛宣懷於四月二十三、四日傳知旗昌行東士米德預備一切該行東來津允遵原議辦理馬建忠亦由滬至津會同籌議磋商月餘該行東願按原價倒賣與招商局彼此訂立合同畫押為據定於本年六月二十一起換旗換契船隻有去上海較遠不及調回者即在別埠換旗至七月初一日將輪船棧房碼頭各項產業悉照原盤收回仍歸商局員董自辦旗昌原給銀票依舊付還其原立傳契

密約帶回上海於各項收清後彼此交還銷廢至旗昌代商局墊付款項帳目亦卽分別核算清結該洋東素講信義此次保護商局力踐前言雖不自言勞殊於大局有益經盛宣懷馬建忠與之議明由商局延充總查董事遇事襄助每年送給薪水銀五千兩三年爲限以資酬答期滿後或去或留悉聽局中衆商主持不致再有轆轤伏查輪船招商局爲中國商務大端前以法人起衅暫將船產售與旗昌原係萬不得已之舉今幸中法事定仍照原議剋期全數收回洵足張國體而協商情堪以仰慰聖鑒報聞

○內子諭劉秉璋奏遵保鎮海接仗尤爲出力人員懇恩獎勵一摺浙江鎮海礮臺上年十二月及本年正月迭被敵船攻撲均經在事各員弁奮勇擊退尙屬著有微勞浙江提督歐陽利見親往前敵督率有方著賞給頭品頂戴至所請各員獎敘未免過優特釐加核減酌予恩施提督楊岐珍著賞給頭品頂戴總兵錢玉興著以提督記名簡放提督伍金洪著賞給三代一品封典劉玉田著賞給頭品頂戴總兵何元啟著以提督記名簡放副將唐東鈞著以總兵記名簡放參將張國林著免補參將以副將仍留兩江前充補用副將陳勝文著賞給三代一品封典參將鄒鴻章段生福著俟補副將後以總兵記名簡放副將費金組著免補副將以總兵記名簡放都司周啟勝著俟補都司後以游擊儘先補用都司銜鄧驥保著以都司儘先補用副將以珊泉著俟補副將後遇有水師總兵缺出記名簡放都司鄧碧山著俟補都

司後以參將仍留原標儘先補用守備吳杰著免補都司游擊以參將留於浙江儘先補用副將陳旭著
俟補副將後記名遇有水師總兵缺出儘先簡放五品軍功周列訓著以守備儘先補用並賞戴花翎副
將王立堂倪祥福均著俟補副將後以總兵記名簡放總兵黃錦文著交部從優議敘都司劉懷珍著俟
補都司後以游擊儘先補用游擊雷芸桂侯桂林均著以參將儘先補用總兵何乘鰲黃瑋均著以提督
記名遇缺題奏副將龔錦標著俟補副將後以總兵記名遇缺題奏都司王鰲著俟補都司後以游擊儘
先補用總兵蔡邦清著以總兵記名遇缺題奏儘先簡放千總蔡錦章著俟補守備後以都司儘先補用
副將周士盛著俟補副將後以總兵記名遇缺題奏道員薛福成著賞加布政使銜同知杜冠英著免補
本班以知府留於原省遇缺即補並賞加三品銜知縣徐春榮著俟補缺後以直隸州知州仍留原省補
用訓導李樹聲著俟選缺後以知縣分發浙江補用其餘出力員弁著該撫詳細查核據實保獎不准稍
涉冒濫○丁丑諭軍機大臣等有人奏調任藩司龔易圖前在廣東各任內勒索巡丁收受賄銀縣丞薛
瑞光浮冒軍火並不撤參稅廠陋規不能復革且將裁兵之費爲屬員暗填之款幾釀事變現在閩姓弛
禁該藩司從中牟利並以部民鄧姓之女爲妾及徇庇同鄉祖護劣員貪黷巧詐請飭查辦等語著彭玉
麟按照所奏各節確切查明如果屬實即行從嚴參辦另片奏河南開歸陳許道潘仕釗狠鄙刻薄素爲

鄉里所不齒在籍時與革員潘增榮認爲叔姪控案疊疊此次問姓之議該員在編修任內奏請弛禁該
廠先領銀二萬兩開辦後利均分等語著彭玉麟一併嚴查據實具奏毋稍徇隱原摺片著分別摘鈔
給與閱看將此由四百里諭令知之○諭軍機大臣等有人奏廣東問姓弊竇滋多學臣幕友家丁舞弊
疊經諭令張之洞確查具奏茲又有人奏楊葉大焯按試惠州歸善博羅二縣學署與逆匪通同作弊揭
曉之日衆情洶洶不得已再行招覆文理不符者甚多該學政即將文炳熙彭日光二名降作生員才
具抑物議沸騰等語著彭玉麟會同張之洞按照所參各節確切查明據實具奏不得稍涉徇隱原摺著
鈔給閱看將此各諭令知之○戊寅鄧承修奏前閩邸鈔左宗棠等查辦福建布政使沈葆楨參款吏
部僅議以罰俸九月都下喧傳訛爲異事臣檢閱原奏其他劣跡是否消弭尙未可知惟摺內所稱問弊
之際該藩司移眷出署至今異口同聲曾詢諸督撫臣亦稱難保其必無在該司自言係其弟挈眷回家
然彼時人心惶惶形跡疑似之間未能阻止亦有不合請交部議處以示薄懲等語夫異口同聲者卽衆
供確鑿也同城之督撫亦不敢保其必無者則耳目難掩也卽此二證該藩司之移眷先逃已成鐵案矣
不此之據而惟藩司自行稟復是據有是理乎乃覆奏者已爲此疑似之說以嘗試 朝廷議覆者遂擇
其最輕之條以開脫稍吏巧則巧矣如國法何且此次奏防保案該藩司又復靦然濫邀優敘夫未戰而

皇家逃避既和而崇級屢加功罪不明 朝廷尙得謂之有賞罰耶應請 旨將查有實據開夥移谷先
逃之藩司沈保站卽行革職以肅軍律而儆將來至查擬議覆此案之疆臣部臣未能據實定議均屬有
意徇縱應否交部議處出自 聖裁 上諭鴻臚寺卿鄧承修奏福建布政使沈保站被參開夥移谷出
省一款疆臣部臣未能據實定議等語左宗棠等查辦此案語涉疑似吏部議覆沈保站處分亦屬從輕
均有不合左宗棠楊昌濬均著交部議處吏部承辦此案堂司各官著查取職名交該衙門議處並該吏
部將該藩司應得處分另行核議具奏沈保站著卽開缺來京聽候部議○調張夢元爲福建布政使李
秉衡爲廣西布政使以慶愛爲廣西按察使○以勒敏爲奉天副都統○已明以奕訢爲內大臣
書爲正紅旗蒙古都統○諭巡視中城御史本員等奏坊官賄利怙惡據實參劾一摺中城副指揮劉鴻
宣於交審案件驗傷不實並將應行帶城之案賄不呈報且有拿獲賊賊不給事主情事實屬狼鄙不職
該御史等僅請交部議處未免過輕劉鴻宣著卽行革職以儆官邪○庚辰諭軍機大臣等劉銘傳奏臺
海道劉墩貪污狡詐不受節制劣跡多端聲名狼籍一摺本目已有旨將劉墩革職拿問著卽著卽派
廉幹委員將該革員原籍資財嚴密查抄毋任寄頓隱匿並將抄出財產開列清單據實具奏○諭翰林
院侍讀學士梁耀樞奏廣東水災甚重請飭籌撫恤一摺據稱本年五月間西北永江同時陡漲沿江之

英德清連從化花縣等處並自廣西之鎮縣懷集及肇慶府屬之廣寧四會高要高明及南海順德新會三水等縣或城垣倒塌或堤埝漫決衝沒居民淹斃人口甚多等語覽奏被災情形深堪憫惻著該督撫迅飭所屬認真查勘其應如何賑撫之處並著體察情形奏明辦理○以潯署理貴州巡撫曾紀鳳爲貴州布政使李元度爲貴州按察使許振禔爲河南按察使○命錫珍前往江蘇會同衛榮光查辦事件○壬午以蘇得勝爲福建建甯鎮總兵○癸未命工部左侍郎孫毓汶順天府府尹沈秉成湖南按察使續昌在總理各國事務衙門行走○以江西布政使劉瑞芬充出使英國俄國欽差大臣召曾紀澤回京供職○諭總理各國事務衙門王大臣等劉瑞芬已到馬賽著先赴英接任曾紀澤將經手事宜詳晰告知卽行回華存緬英既未允所商分界各節關係綏重俟曾紀澤到京後面加垂詢再行定議○甲申命張蔭桓充出使美國兼日國比國欽差大臣○諭前據翰林院侍講學士梁耀樞奏廣東水災甚重當經諭令該督撫亟勘賑濟本日張之洞等奏報南海等縣被水情形與梁耀樞前奏大略相同業經該督撫籌撥銀米分別散放稍紓廑系卽著督飭所屬妥爲經理毋任流離失所並將衝決基堤一律修築以衛農田又據李秉衡奏廣西省城及梧州府等處本年五月初旬雨水過多河流驟漲倒塌房屋淹斃人口上下游靈川興安全州陽朔平樂等州縣均被水災該督撫現已撥款開倉辦理撫恤著分飭各屬切

查勘認真賑撫務令實惠均霽以拯災黎餘著照各督撫所奏辦理○諭吏部奏遵旨改議處分一摺前
福建布政使沈葆楨著照部議降三級調用大學士左宗棠閩浙總督楊昌濬著照部議降一級留任均
不准抵銷○以崧蕃爲湖南按察使○曾國荃奏臣承准軍機大臣字寄光緒十一年五月二十六日奉
上諭楊岳斌等奏籌辦臺灣防務澎湖基隆滬尾三海口均須長泊快兵船一隻修造礮臺運辦各料
須裝貨船二隻請飭南北洋分撥快船二隻福建船政速撥裝貨船二隻到臺備用等語臺灣所需各船
能否照數撥往著李鴻章曾國荃裴蔭森奏明辦理至各船到臺之後餉項如何發給並著妥議具奏將
此由四百里諭知李鴻章曾國荃並傳諭裴蔭森知之欽此仰見 聖朝明燭萬里慎重兵船彼此兼顧
之至意竊思北洋快船能否撥往李鴻章自必奏明辦理臣第就南洋情形言之快船僅得南琛南瑞兩
號此外足相頡頏者尙有開濟一號行駛已不及該兩船之速去年法事方棘奉 旨撥船赴閩三船之
外添派澄慶馥達兩船實因快船無多用以湊數而澄慶馥達卒以行駛較緩毀於石浦至今思之猶爲
心悸而南琛南瑞開濟三船亦被阻於鎮口追款議大定敵船開去六月初旬甫經回滬惟是半年以來
三船晝夜生火備戰火爐水櫃不免微損船底又爲鹹潮浸淫鋼板日見銹蝕坐守安泊開礮多次內而
船心之輪機外面船面之器具均有傷殘回江之後必須寬以時日大加修理方可復用而南洋地段遼

閩隘口林立現在可用之船僅此三號論船戶綢繆之計既未敢舍己芸人當海氛甫息之時無所謂移緩就急再四思維難勉強酌撥以致顧彼失此所貴乎兵輪船者平時以結隊操練爲務所有各船操鎗礮操板以及升旗列隊諸法每日皆有一定之時刻不易之課程不容稍有間斷亦不敢失於紛雜若夫以時放洋增長閱歷或縱觀外國戰事庶幾風濤沙綫以巡游而益熟膽識技藝以磨練而愈精此皆中國兵船應習之業不可自耽安逸亦不可稍憚煩勞重方擬俟三船回江修竣後卽令益加學習實力講求以爲將來各船先路之導自未便分撥數處疎於約束轉誤海防善後之良圖查澎湖基隆滬尾三口皆勢處扼要之地夙稱沃壤之區他日萬一有警實爲敵船所窺伺必須平日豫防乃可臨時禦侮應由閩省全力部署自立根基閱警之日借助應援之船方可有備無患若僅分一船以守一口在尋常無事之時徒糜餉而無用至於一旦有事之日仍勢孤而無援似非策之上者何敢敷衍以相酬耶臣愚以爲諭旨方飭大治水師則各省需船同屬至急臣於五月初四六月初三兩摺汲汲請購鐵甲雷快各船並聲明福建等處亦須從此推廣實有鑒於前此乏船之苦豫料後此待船之殷所以亟欲及時圖維未雨綢繆以免他日緩急相需之際復露捉襟見肘之形如荷聖慈採納俯准施行海防要義實在於此俟一兩年後南洋新購之船日多巡歷洋面游刃有餘卽可酌撥二三號分應閩省臺防之用爲兼

如鄰封海島之計較有裨益耿耿寸衷諒蒙 宸鑒此次欽奉 諭旨垂詢有能否撥往准其奏明辦理是一時限於力量未能酌撥早在 聖明洞鑒之中臣不敢不據實奏明伏候 聖裁 上諭軍機大臣等覽奏已悉著將三船趕緊修理仍遵前旨撥赴澎湖勤加操練以資防守○丙戌戌年陳士杰奏承准軍機大臣字寄光緒十一年二月初三日奉 上諭吏部代遞主事齊肇敏奏變通辦理河運一摺據稱借黃濟運其弊有八宜將黃河入運之口封固挑深開河自臨清州引漳衛水倒灌開河直達張秋鎮廣備撥船起運並於張秋鎮酌建倉廩遇河凍時起運不及暫行收入等語所陳各節是否可行著成孚陳士杰妥議具奏原摺均鈐給閱看等因欽此欽遵當即各派幹員前往沿運一帶詳細查勘去後茲據該委員等會稟稱遵即馳赴運源自張秋鎮起至臨清箱口臨止由南而北按段測量張秋地勢高於臨口約二丈有奇而近年衡水來源亦頗微弱欲使送行二百餘里之遠上趨二丈數尺之高度理揆情導行匪易若將南路河身大加疏濬低於衛河則臨口須挑深四五尺張秋一帶須挑深二丈四五尺核計里數丈尺土方約需夫工例價銀四十餘萬兩值此庫帑絀絀難籌勢難遽辦且濶漳之水亦汴濶帶泥引以入衛濟運一經消落則河底益形淤墊水性就下以南高北窪之運渠引淺弱源微之衡水逆行洶灌其窒礙難行之處不待智者而自明總之借黃濟運原係不得已權宜之舉誠有如齊肇敏所奏其

弊滋多然會此則又別無來源可借輾轉籌思殊鮮良策請查核奏復等情前來臣等伏查河運轉輸攸關京倉根本至計而宜疏通運道以爲經久之圖況治河卽以治漕尤宜設法妥籌以維全局如主事齊肇敏原奏將黃河入運之口封固挑深開河導引漳衛之水直達張秋則須將二百餘里開河舊挑深廣方能源源暢注無論疏挑經費未易設籌卽使一律挑深而使曲折淤澗於百數十里之遙導以漕運縱時逢夏汛衛源旺發而盛漲之水往往隨長隨消未能持久且漳衛之渾濁亦不亞於黃恐不免仍有淤阻停淤之患卽使建倉備撥亦須河水足資浮送方能辦理臣等詳稽載籍衛河本有泉流微弱水不勝舟之語故又引漳入衛以資濟運嗣因衛河爲漳水積沙淤墊復有另開支河洩漲仍歸故道之議是借黃固足病運而借衛亦未見可行此往事可考之明證也卷查同治十年前漕臣蘇鳳文主事將作錦光緒五年御史葉蔭昉等先後條陳導衛濟運建開挑河各事宜卽經前河臣撫臣委勘情形皆因格礙難行未便舉辦而止歷次陳奏有案今齊肇敏所奏各節自爲規復河運慎重倉儲起見而其大致仍與蔣作錦等條議無異臣等莅任以來留心訪察竭力經營導衛情形實多窒礙茲復悉心籌酌往返函商如果事有成效孰敢不力任其難爲逐漸規復之計無如南北地勢高下過於懸殊漳衛河源消長尤無把握既無變通辦理之方又何敢遷就依違致糜鉅帑通將導衛濟運事多窒礙緣由恭摺覆陳得旨如

所議行○丁亥諭曾國荃奏江南安徽江西三省被水籌辦情形一摺據稱本年南中雨水過多遂致江湖漫溢江南之上元等州縣安徽之大合等州縣江西之清江等州縣低區圩田堤埂俱有被淹衝決情事業經分別疏消撫卹等語前聞江蘇多雨曾經降旨垂詢茲當所奏各情朝廷倍深廋系卽著該督撫飭屬確查務將賑撫事宜妥籌速辦總期實惠及民毋任流離失所用副軫念災黎至意○庚寅諭軍機大臣等彭玉麟奏痢疾難痊懇請開缺並開去差使回籍調理一摺彭玉麟巡閱長江勦勦卓著連年以來因病屢請開缺未經允准茲復據奏病勢加重情詞懇切不得不勉如所請以示體恤兵部尙書彭玉麟著准其開缺回籍安心調理其長江水師巡閱差使毋庸開去卽責成李成謀認真經理彭玉麟不必拘定假期一俟病體稍愈仍著照舊任事以副朝廷倚畀至意○電 諭左宗棠閩省現已解嚴王詩正所部營勇著左宗棠督飭妥爲遣撤并飭王詩正卽行回籍○辛卯電 諭李鴻章著照前購鋼面鐵甲快船四隻備臺澎用卽電商英德出使大臣妥辦船價戶部有的欸可撥○命楊昌濬兼署福建巡撫○諭上年四月間特准李鴻章與法國總兵福祿諾議定越南通商事宜無非戢兵安民之意迨後諒山一役不得已而用兵越南地極炎荒士卒每多瘡故且相持半載各損師徒藩屬人民亦罹鋒鏑朕心憫焉自十二月間總稅務司英人赫德以兩國本無嫌隙力請仍照津約往返通詞冀忽修好朕仰維 上天

好生之德並敬念 列祖命將出師於天時地利緩急進止撥度不存成見恭繹乾隆五十四年安南撤

兵迭次 諭旨極宜所值先後同符特照所請命李鴻章等與法使巴爾納重訂新約十條於越南北圻

邊界定地通商言歸於好現在法國退基隆澎湖之兵我亦將領粵各軍撤回關內彼此擒獲人眾均已

按數交還從此荒服免遭戕襲海宇共慶乂安朝廷於此事權衡終始審察機宜本無窮兵黷武之心允

協字小睦鄰之義今營和局既定特通諭中外傳咸知朕意○壬辰諭朝廷孜孜求治之意民生之休戚

國計之盈虛吏治之得失胥視封疆大吏爲轉移各省督撫身膺重寄宜如何振刷精神力求實效近來

認真辦事者尙不乏人而相沿積習未能實力消除往往詔書特下剴切嚴明各該督撫輒以通行僚屬

爲了事並未確切考察以致於澤不下究弊端發生甚至特旨交查事件消彌延擱比比皆是綜營廢弛

已久既多新招之勇復養無用之兵錢糧已屬虛耗況各省防營又多虛額若非嚴加裁汰何以訓練精

兵度支出入全在綜核精密錢糧維正之供而捐災蠲緩竟爲成例荒田正賦迄未復額關稅則視爲利

源但知牟利肥己從不念及於公家盤金一項弊竇尤多以國家不得已之舉視爲調劑屬員之事中飽

使漁牟不可破各省製造繁興經費至鉅委員不得其人冒銷朦混尤爲一大漏卮其餘例外浮費無非

上虧國帑下削民生種種錮習不可枚舉如果疆吏核實秉公視國事如家事任勞任怨不倚不偏何難

星國裕民自有起色該督撫均係特簡倚任之臣其各激發天良仰體宵旰焦勞之意事實心經理必須破除情面與幼公明得人則治尤屬要圖勿視詔誡爲具文勿以陳奏爲塞責經此次切實訓飭之後如有仍蹈舊習瞻顧因循一經查出輕則立予罷斥重則分別治罪決不姑容總之用人行政朝廷惟以實事爲衡各該督撫應如何整頓之處通盤籌畫縝密陳辨得稍有敷衍彌縫致干咎戾勉之懷之○諭國家廣開言路原期各抒忠誠俾得集思廣益上有補於國計下有裨於民生諸臣建言自應審時度勢悉泯偏私以至誠剴切之心不情敷奏庶幾切中事理言必可行上年用兵以來章奏不爲不多其中言之得宜或立見施行或量爲節取無不虛衷採納並一一默識其人以備隨時器使至措詞失當從不苟求卽陳奏迂謬語涉鄙俚者亦未加以斥責若挾私妄奏信口訛彈既失敬恭之義兼開攻訐之風於人心政治大有關係恭讀 高宗純皇帝聖諭中外大臣皆經朕簡用苟其事不干大戾卽朕亦不遽加以斥責御史雖欲自著風力肆爲詆訕可乎又恭讀 仁宗睿皇帝聖諭內自王公大臣外自督撫藩臬以至百職庶司如有營私執法辜恩負職者言官振實糾彈立卽嚴究重懲若以毫無影響之談誣人名節大鑒難逃國法其在等因欽此 訓諭煌煌允宜遵守如上年御史吳峒參劾閩撤銘目爲漢奸編修梁鼎芬參劾李鴻章撫拾多欸深文周内竟致指爲可殺誣謗大臣至於此極不能不示以懲儆吳峒梁

鼎芬均著交部嚴加議處總之聽言行政一秉大公博訪周諮惟期實事求是非徒博納諫之虛名爾諸臣務當精白乃心竭誠獻替毋負諄諄誥誡之意勉之慎之○甲午命孫毓汶在軍機大臣上行走○乙未 萬壽聖節祭 太廟後殿遣載敦行禮○丙申 上詣 太廟行禮○諭軍機大臣等蘇元春李秉衡電稱王德榜一軍請飭遣撤等語即著該藩司統帶所部回湘妥爲遣撤毋令滋生事端

秋七月丁酉朔時享 太廟遣世鐸恭代行禮○劉秉璋奏臣於本年五月十八日將正月至四月台州拿獲土匪名數情形附片具奏乃於五月二十等日據署台州府知府陳瑞署台州協副將韓進文飛稟訪聞有外來哥老會勾結仙居土匪到處煽惑圖謀不軌約期起事民心惶惑請官剿捕等情經臣先調段生福一營由甯波拔隊前往乃謠言日甚深慮猝不及防又飛飭記名提督楊岐珍由鎮海防次親率數營航海赴援去後節據台州府營縣先後稟報訪聞會匪有五洋山三結堂名目用白布填寫號票勾引愚人入會每票銀錢六百八文製造旗械創立偽號諸名目約期五月十六日先攻仙居縣城十八日攻撲郡城先派內應入城伏匿妄圖大舉等情五月初間仙居縣伍桂生緝獲哥老會匪首郡中奇朱幅得二名臨海縣高英於台州府城內拿獲偽首周晉臣曹長吏二名均搜出偽票供認糾合羽黨謀爲不軌潛赴台州仙居兩城內屆期內應並據周晉臣供出湖南人成祥卽成老大係屬此案哥老會總頭目

等語均卽登時正法以絕內奸五月十五日署台州協副將韓進文親率練兵馳赴仙居沿途見有民間男婦奔逃形跡並聞匪徒明日攻城之語飛速抵城會商該知縣伍桂生密籌布置十六日清晨匪衆二千餘人山城南蜂擁而來我軍先已派定練軍哨官劉福魁顧海友出南門親兵前哨張連開出東門右營守備沈鏞出西門該副將親督哨弁蔣化卿趙鳳麟等由小南門而出分投迎擊該匪亦分股拒敵各軍勇往直前奮力擊剿互相夾攻匪勢不支紛紛敗退至酉刻收隊共計斬首級二十五顆生擒二十六名奪獲五洋山大旗一面旗幟鎗械多件我軍受重傷者五人微傷者三人訊據生擒賊供稱實在匪徒數百人餘皆糾合就地頑民隨同助勢許其入城搬取物件是以各執棒鎗腰圍口袋等語當將訊認爲匪剃頭之項建蒼先行正法是日台州府派隊助剿營官張正標中途擒獲巨匪朱大滿驗有巡風朱會票及洋鎗刀械供認回巢招匪不諱當卽正法次日探聞餘匪敗回鷲峯寺僅存數十人一面清查城中戶口搜獲意圖內應匪首王廣東一名解府審辦一面派隊馳往鷲峯寺剿捕該匪初猶抗拒迨後隊官軍大至狂奔上山哨弁蒙業成等一擁而入帶同綫民搜獲渠魁潘恭牛卽牛大王本係臨海劫獄案內漏網之犯併認結會起事謀爲不軌並受僞職不諱立予正法張正標分隊搜山擊斃多匪拿獲要匪王小住應志中二名供認謀逆不諱亦卽正法又據記名提督楊岐珍稟報五月二十五日到黃巖卽帶隊

進山取道絕壑深林之內沿途搜捕徑至仙居詢之土人僉云此次會匪起事鄉里被騙入會者甚夥現被官軍擊敗往往逃匿山谷該提督傳諭紳董曉諭以順逆凡繳票自首者免其治罪一面會督各營分投入山兜拿餘匪查追僞票以絕根株並又擒獲著匪盧永丙等七名解府審辦茲據署台州府知府陳瑞稟稱會匪首票總頭目成祥即成老大潛還黃巖鄉間經該知縣歐陽烜緝獲到案批飭嚴訊重辦以彰國法現在各事均已到防謠言漸息民志已定等語以上係台州府屬哥老會匪勾結土匪聚眾攻城登時擊散首要就擒全股撲滅之實情也伏查台州府屬素多土匪剿捕雖極認真根株總難盡絕兵至則散而為民兵退則聚而為匪實因地瘠民貧惡習已深驟難革洗此次哥老會匪稔知防營他調乘間勾結意圖大舉公然擁眾攻城實屬罪惡滔天仰賴 聖主洪福文武各官謀勇兼資先期訪獲首要臨時奮勇剿殺得以全股撲滅不致蔓延實為地方之幸惟是人多土著良莠不分固不可姑息養奸亦何能盡殺乃止臣已飭令記名提督楊岐珍等督率各營嚴密搜捕凡曾經犯案及著名匪徒罪在不赦拿獲到案訊供懲辦其實係被脅附和尙無燒殺重情者量予寬宥尤當與就地公正紳士聯絡商辦期無杆縱並擬久駐防營緝拿伏莽懾以兵威以冀潛移默化遷善為良仍飭地方官嚴辦以清其源所有台州地方府縣文武各官倉卒應變於援兵未到之先全股撲滅實屬異常出力自應量予獎勵以昭激勸

可否仰乞 天恩俯准擇其尤爲出力者彙入海防案內從優給獎以資策勵之處候 旨遵行 上諭
劉秉璋奏會匪勾結滋事時撲滅一摺本年五月間浙江台州府屬有外來哥老會匪勾結仙居土匪
謀爲不軌經飭地方文武並調派防營前往剿辦該匪膽敢拒敵各軍奮力攻擊先後擒獲首要各匪分
別正法審辦當將全股撲滅辦理尙爲迅速所有在事出力員弁著准其擇尤酌保毋許冒濫○已亥諭
張之洞會同倪文蔚李長衡奏報廣東廣西被水詳細情形各一摺覽奏災民困苦流離極深憫惻業經
該督撫等籌款集捐分別賑濟稍慰廑系欽奉 慈禧端佑康頤昭豫莊誠皇太后懿旨發給廣東廣西
銀各三萬兩卽由戶部撥放俾資賑撫欽此張之洞等務當仰體 聖慈軫念災黎有加無已至意核實
散給毋任稍有弊混○庚子 上御紫光閣閱精捷營技藝○辛丑諭前據左宗棠奏因病籲懇開缺回
籍當經假一月俾資調理茲據奏稱病難速痊懇請交卸差使展假回籍等語覽奏病情殊深廑念自
應俯如所請左宗棠著准其交卸差使不必拘定假期回籍安心調理該大學士夙著勛勤於吏治戎機
久深閱歷如有所見仍著隨時奏聞用備採擇一俟病體稍痊卽行來京供職○諭李秉衡奏營勇中途
滋事請將該營官議處一摺內稱調赴關外之鄂軍各營遣撤回防提督胡定坤統帶所部勇船行至南
甯府屬三洲灘地方軍丁因索取灘夫起衅致斃人命胡定坤約束不嚴實難辭咎著先行交部議處仍

著裕祿彭祖賢嚴飭核實迅速查明兇犯勒令按名交出歸案訊究倘敢再事延玩卽行從嚴參辦現當邊防兵勇遣撤之時著通諭統帶各官申明紀律隨時嚴加約束倘有沿途滋擾情事卽將該勇丁按律嚴辦並將該管營官從重懲處決不寬貸○諭軍機大臣等鎮南馬白二關爲滇桂入越邊要處所現當和議甫成越南游匪爲患關內亦多伏莽此後分界通商中外人民往來尤夥必須大枝重兵添紮要隘以戢奸宄而靖人心著岑毓英張之洞張凱嵩李秉衡悉心會商將如何添設提鎮專官確數兵勇營數或留現在得力勝兵以充新額汰腹地無用常卒以省空糧何處總紮何處分防一切通盤籌畫繪圖貼說繕晰覆陳候旨定奪其新設各營尤須選練精實能戰能守一兵得一兵之用勿以疲弱應汰之兵濫竽充額用副朝廷慎固邊防消弭隱患之至意將此由五百里諭令知之○壬寅 上幸南海自在觀拈香○癸卯會國奎奏金陵立局製造洋火藥前於城外勘定廠地興工辦理所有建廠經費及購買機器價銀核實估計需銀十八萬數千兩統由支應籌防兩局陸續撥銀濟用均經前督臣先後奏明在案茲據金陵製造洋火藥局江蘇候補道孫傳樾郭道植龔照璦等詳稱此次建造洋火藥局廠事闕創始一切經費非惟無例可循亦無定章可比所有建造廠屋安配機器指示造藥各事宜前經僱募洋匠監督工作以期合法當於光緒八年春間該洋匠隨同定購機器由外洋到華並卽派委員飭司事夫役人

等採買料物等件是年六月興工僱募工匠建造提硝提磺燒炭和藥磨炭礮礮礮藥礮藥礮充藥舖藥快藥礮石子礮藥各廠與修藥料胚所以及洋匠住房局屎藥庫棧房羣房木鐵各工作廠內開挖引河建築碼頭水閘駁岸一切工程督同洋匠人等逐一建造於十年五月底工竣所需建廠經費及購買機器價銀奉准由支應籌防兩局共撥過銀十八萬二千八百九十五兩有奇遵照部章各歸各部核銷下部知之○甲辰以周盛波署湖南提督○予故湖南提督周盛傳於安徽原籍及立功省分建祠戰蹟交國史館立傳○乙巳予開濟南琛南瑞三船在鎮海出力各員丁開容等獎敘有差○趙時熙奏臣竊查參革人員應卽勒令回籍不准在罷官省分逗遛生事歷經遵辦在案乃近聞各省革職人員往往戀踞省城接交劣幕門丁爲其羽翼藉端造毀向人訛索稍不遂意卽捏詞混控並有毫無屈抑之事亦且遣抱進京控告冀圖嘗試幸免此種刁風殊不可長相應請 旨嚴飭各省督撫查明如有前項滋事革員立卽驅逐回籍其所控各節訊係虛誣加等治罪倘復徇隱容留別經發覺卽將該督撫一併議處上諭御史趙時熙奏各省參革人員往往戀踞省城藉端訛索請飭查明驅逐等語著各省督撫查明參革人員如有此等情事卽行飭令回籍不准逗遛○丁未諭軍機大臣等鮑超燾此銀兩隨到隨撤其餘未撤一半容毓英迅飭

回至雲南省城候餉卽與該提督商辦並著丁寶楨籌銀十數萬兩山岑毓英派員迎提應用不敷銀兩在滇變兩處酌量籌備俾撤兵到彼給領○諭軍機大臣等有人奏安徽霍山縣土蒙黃孔僕盜葬祖塋率衆將黃志運次子活埋斃命該縣令白毓崑延不結案縱役持票婪索將黃志運長子黃本亮拷逼致死該縣令賄和私了等語卽著吳元炳確切查明據實具奏毋稍徇隱○己酉諭巡視中城御史本貴等奏援案酌保練勇局出力員弁開單請獎並請將正指揮等官疏通選缺班次及准照截取章程分發補用各摺片著該部議奏○劉錦棠奏准刑部咨議新疆遺犯奏請酌量變通一摺內稱嗣後遇有秋審減等之犯卽命同妻室子女發配車輻口糧一併由沿途地方官撥護資送並請飭下撫臣飭屬妥議章程同戶部前議各條奏明辦理等因嗣准欽奉恩旨查辦減等條款到營後慮人犯太多沿途支應不易新疆急難安插議將陝甘山西四川直隸山東河南七省人犯先行起解餘仍照例定地發配俾得從容就理尤見思深慮遠體貼入微當經先後飭議去後查南路各屬相距較遠若待輾轉議覆尙需時日且荒地無多部臣亦謂無須在此數處安置罪犯北路鎮迪道屬迭據查報遺犯甚多昨聞拔赴省沿途察勘情形屬實請將七省人犯陸續飭令起解先儘迪化州境安置次及阜康奇台昌吉綏來鎮西哈密等屬縣前奏請交屯官兵目管束係指種地當差遺犯而言此項秋審減等非軍遺以上罪名可比投

之津微無非爲興屯起見現值諸務創始上移防未定撫標兵制未設兵屯考察刻難就緒且地段大小畝數多寡渠水良旺均難一律應請俟各犯到配擇其年力精壯有室家者由地方官酌量多少隨處安插並交鄉約領保分撥荒地與平民櫛戶錯壤犬牙相接出入守望同茲作息使具有所糾察仍由地方官按季查驗以昭慎重其隻身人犯及不能種地之人卽照配所衙門役使或酌令小買屆時察看辦理俾資鈴束農具牛籽房屋食糧等項應請照新疆墾地戶民例從優借給分年繳還並酌量年限准其入籍爲民仍按甘肅屯墾徵章程量爲展緩年限俾知格外從寬官犯有能督辦開墾地多稔願卽遵照部議隨時奏請減釋惟本年恭逢 恩詔減等之犯較多查甘肅一省已不下八九十名若直隸山東四川更不止此合計七省當在千名內外無論由何省起解出關甘肅係總匯之路此項人犯隨帶家室口糧車輛等費需款尤鉅甘肅及關外州縣均屬瘠苦不但難以賠累卽籌墊車糧銀兩亦不易易應請准照實在墊發數目作正開銷以示體恤又查烏魯木齊伊犁遺犯向有鐵廠捐銀及船廠捐捐衣物例酌定年限准其分別爲民回籍此等官犯可否倣照辦理令其幫捐屯田經費或援照軍臺廢員贖罪章程按日月之淺深定捐輸之成數准予回籍免遺統將銀兩解交藩庫存儲以備屯墾撥用之處非臣下所敢擅請再部臣謂宜時加安輯無苛剝欺陵俾人盡樂生洵屬確論臣自應嚴飭各屬諭令各該鄉約

戶民一體遵照各省差役護解人犯需索誅求在所不免哀此羈縲何敢申訴今許愈配妻子攜帶財物之犯必多懸請 旨飭下各省督撫嚴飭所屬先行出示曉諭准於點驗起解時當堂呈明財物填註解牌以杜搜索倘有前項情弊許各該犯隨時喊冤一經審實立予痛懲其餘未盡事宜容再隨時奏咨辦理至戶部前議各條應俟制兵一律設妥撥地試種已有頭緒再行另案詳細奏報下刑部議奏○庚戌頒給山海關 海神廟 天后宮匾額○辛亥李秉衡奏廣西被水各屬現籌撫恤情形得 旨覽奏已悉迭經降旨諭令妥籌撫恤並欽奉 懿旨發款賑撫卹著李秉衡督飭印委各員認真經理務使實惠及民毋任一夫失所○癸丑 上詣 泰先殿 壽皇殿行禮○曾國荃奏 臣接李鴻章轉准總理衙門來電奉 旨蘇元春李秉衡電稱王德榜一軍請飭遣撤等語卽著飭令該藩司統帶所部回湘妥爲遣撤毋令滋生事端欽此仰見 聖謨周密因時制宜莫名欽佩 查王德榜一軍連防粵西其餉項係由江西月撥銀二萬兩近年以來報解未能按期如數惟江南由兩淮運庫月撥銀二萬兩幸未蒂欠雖去冬今春南洋防務萬緊餉需奇絀之時亦尙騰挪本省之款未敢稍吝協濟之責誠以 聖朝體念南服宵旰憂勤防旣未稍鬆卽邊餉未可膜視今奉電 旨遣撤該軍適值江南籌防局需用浩繁餉源枯竭入不敷出詳請撥款據稱該局額撥經費浙江粵東兩省撥金一欸久已絀絕無解各口關稅則因

收數甚絀而解數亦與之俱絀又有奏請停解之省福建所借洋欸近已奏明分年攤還足南洋應得之欸日見其少將來各處解數寥寥不聞可知今年沿江兩岸悉被水淹本省各卡釐金收數日形減色商賈裹足由於財盡民窮常年額入之項已難如數供給又安望其勻濟海防經費哉至於海防水師各項待用之欸如兵輪船月餉約需三萬餘兩目下僅以江海關所收製造二成洋稅及分解南洋之一成洋稅按月添撥總覺不敷新添保民輪船業已告成月餉無從籌備又上年奏准訂購洋廠八百磅子大礮八尊秋間可以抵華此項找價尙須三十餘萬兩而修築礮臺安設八門大礮前此相度地勢議在吳淞江陰各安四尊並聘洋人照西法臺式倣造兩處礮臺礮身既重且大則礮基宜求堅固方可以垂久遠臺式宜尙開闊方可以制敵船約計其備中外工料縱力求撙節所費約需十萬兩有奇乃能竣事又石浦絞撈沈船業經洋廠包辦雖取遠船起水尙無把握未訂合同卽照澄慶船礮絞價及將來修理之費合計數目亦將近十萬兩凡此皆欸項之甚鉅而又刻不容緩此籌防局祇此來源以入抵出所短甚多詳請指撥的欸以免臨時周章等情前來臣察核所詳均係實情惟念江南近日進項之條絀如彼而出項之日繁如此點金乏術仰屋興嘆既不忍撤商截留復不敢籲懇部撥再四思維別無良策卽欲籌按月有蓄之欸作移緩就急之計而本省協濟粵東合字釐字四營之餉與福建恪靖八營之餉亦尙未忍

連然奏請停止查運庫原撥定邊楚軍月餉二萬兩該軍遣撤事畢自應停解應將此項月餉銀二萬兩撥作籌防經費如蒙定案俟奉 俞允 旨即飭兩淮運司按月移解籌防局撥發輪船月餉及修築礮臺之處其找礮價錢沈船各款尤非倉卒所能辦合裁勇節餉挹彼注茲實別無辦法查南洋上年奉調援粵援閩各營仍食江南之餉本省要隘空虛欽奉 諭旨准照吳大澂所奏添募新營並蒙 聖恩飭部撥濟銀五十萬兩得以敷衍至今現在部撥之銀早已用罄新添之營餉本無著所幸防務已鬆自應將陸營之勇裁撤六七千人藉資節省由支應局於此中每月勻出數千兩以應海防水師各項之急 上諭軍機大臣等王德榜軍遣撤後運庫每月所撥餉銀二萬兩准其移解籌防局備用至仿造西法礮臺所聘洋人務須詳慎遴選勿任濫竽充數仍派熟諳洋法人員督率監視澄慶船礮絞價及修理之費據稱將近十萬未免浮多該督務當切實裁減不准委員稍有虛冒裁營各節著照所議辦理○丙辰許景澄奏定運鎮遠兩鐵艦前來 諭旨飭部接管其濟遠鋼艦准李鴻章咨擬一併接管在案本年三月間法事初定即以三艦籌備駛行頃緒紛繁猝難辦集因電商李鴻章先行補購礮位查估需用弁役糧物各數並商借德國水師船廠飭各艦次第入塢油漆見新旋於四月二十九日奉 旨中法詳約已定定運鎮遠兩鐵艦濟遠鋼艦即著駕駛來華應如何選派員弁妥為管駕著李鴻章許景澄會商辦理欽此

當卽欽遵趕速備辦伏查定鎮兩艦經前任出使大臣李鳳苞延募德國水師官式白齡密拉充當管駕
訂立送船及留華教練合同嗣定運管駕式白齡應募來津復由李鳳苞訂僱洋員伏司接充至濟遠一
艦亦經李鳳苞飭伏耳鐸廠暫僱洋員恩諾爾管理臣維外洋水程阻遠土著之人較能諳練伏司密拉
二洋員早經訂有成約應令照前供差並據該廠薦保恩諾爾久習駕駛因卽定僱爲濟遠管駕以資熟
手先後函電李鴻章山臣分飭辦理惟洋員可供驅策之資未便爲耳目之寄臣復飭隨員江蘇試用同
知楊兆鰲及李鴻章原派協辦定遠之遊擊劉步蟾分駐定鎮兩艦沿途照料俾遇事得以稽察濟遠行
率較速並經電商李鴻章仍隨定鎮偕行期可互相策應臣疊次馳赴漢耳海口察看各艦塢工督催伏
耳鐸廠暨各該管駕選僱弁役儲購糧物剋期措備該廠商等頗知効力 中朝鼓舞率作二旬之中諸
事具舉臣謹諏吉五月二十一日致祭 天后歷登三艦釀酒申祝禮畢卽於是日展輪內渡再該艦由
波羅的海繞大西洋而南始達於地中海取道紆遠經過各口稍多停頓又定鎮兩艦各帶大雷艇兩號
噸力加重未能迅速遵行計一路安順約九月之內可以抵津除飭該管駕等妥速駕駛並令該委員隨
時協催毋任耽延報聞○丁巳命內閣學士周德潤馳往雲南會同岑毓英張凱嵩辦理中越勘界事宜
並著吏部主事唐景崧江蘇試用道葉廷谷隨同辦理○俞鴻臚寺卿鄧承修馳往廣西會同張之洞倪

文蔚李秉衡辦理中越勘界事宜並著廣東督糧道王之春直隸候補道李興銳隨同辦理○頒給河南
信陽州 城隍廟匾額○諭前因黑龍江將軍文緒副都統成慶因邊民偷挖金沙一案互相參奏當派
寶霖前往查辦茲據查明覆奏此案文緒雖查無奏報朦蔽移禍捏參等情惟於奏參成慶摺內未將該
副都統查出金廠及商辦各節詳晰聲敘咎實難辭成慶具摺剖辨於失察屬員縱釋金匪各情概置不
論亦屬非是文緒成慶均著交部議處○己未諭前據御史段李堯奏參候補同知直隸州知州蔣英在
江蘇游幕省分兩次朦朧等情當經諭令衛榮光確查具奏茲據查明蔣英曾充江蘇糧道及蘇州織造
幕友追朦捐知縣丁憂後仍充織造幕友實屬違例朦混蔣英著卽革職以肅官方衛榮光雖有失察之
咎此次據實查核並無迴護著免其置議○辛酉 上詣 壽皇殿行禮○壬戌命穆圖善來京陛見以
古尼音布署理福州將軍○諭御史恩隆奏請將奉省大凌河一帶牧羣裁撤牧地開墾等語奉天大凌
河牧廠曾於嘉慶道光年間迭奉 諭旨禁止開墾 聖謨具有深意何得妄議更張致滋流弊該御史
並未詳稽典則率行奏請殊屬非是恩隆著傳旨申飭○癸亥諭都察院奏直隸武邑縣民人甄恆裕以
刑逼祖縱父冤難伸等詞赴該衙門呈訴此案本年三月間監生甄鳴鶴等呈控委員驗從囑託祖庇由
該衙門代奏當經降旨令李鴻章提訊尚未覆奏而甄恆裕復以問官刑逼祖縱等情呈控委員等有無

偏袒情弊抑或甄愾裕砌詞捏控著李鴻章親提人證卷宗秉公嚴訊據實具奏甄愾裕著該部照例解往備質○陳士杰奏臣前因伏汛緊急防河勇丁不敷分布適值海防戒嚴調回振字兩營濟字一營分段加防以期嚴密六月間屢次盛漲均皆搶護平穩嗣據前署按察使潘駿文及各營縣稟稱六月二十八及七月初一二等日大雨如注連宵達旦平地水深四五尺不等而豫省各報萬錦灘六月二十一至二十四等日水漲一丈有餘六月二十八日已抵壽張縣境此時大清水勢陡長一丈二三尺該縣黃水向分兩道連年西道壅塞不通是以漕運改歸陶城埠新運河入口此次盛漲復將舊河衝開由孫家碼頭進東直灌舊運河分爲兩股小股灌入壽張陽穀境內大股穿陶城埠新運河順大堤趨東阿平陰肥城直抵長清之趙王河該處大堤壓河而過本留口門洩水不意水勢過大從此衝刷口門寬約十四五丈其水半由齊河境入徒駭河半由五龍潭出大清河此壽張孫家碼頭黃水漫入衝刷趙王河大堤之大概情形也又據報長清縣之大碼頭民捻七月初二日河水大漲風雨交加其時民捻內外皆水無從取土防汛弁勇搶護不及隨即刷開數十丈其水順堤而下至齊河仍由上年大堤掘口處所溜入徒駭此兩處皆屬北岸均未損傷人口惟南岸長清縣之王符河七月初一四更時分山水暴漲衝開民捻直入大清河該處四五村莊民房多被衝倒黑夜趨避不及淹斃男婦大小五十餘口當經長清縣知縣

蘇杰給錢打撈屍首掩埋所廟口門僅十四五丈水亦不深隨即堵合埝內積水現飭駐防弁勇設法疏通以救秋禾以上被水各縣民情均屬困苦現飭司派員先放優餅廬席一面查明被災戶口籌款辦理
賑賑以仰副 朝廷不使一夫失所之至意伏查大清河地勢南高北低徒駭河偕形窪下故北岸決口黃水必歸徒駭該處河身淤墊已久前次潰家莊決口黃水灌入已屬難以容納加以趙王河大碼頭兩處決口之水復行灌入兩岸居民受災更深現飭司委員馳往查勘分別受災輕重一體籌款賑撫統共戶口若干將來作何籌款擬與司道會商妥貼再行奏明辦理至荷張之孫家碼頭長清之大碼頭兩處民埝口門俟水勢稍落即飭藩驛文前往查明籌辦其趙王河大堤失事一段係長清縣知縣蘇杰所轄防守武弁係候補游擊戴守禮應請 旨將蘇杰戴守禮革職仍分別留任留防以示懲儆而觀後効
上諭陳士杰奏秋汛大漲上游埝堤漫決現籌賑撫情形一摺本年六七月間山東黃河因雨盛漲長清縣之趙王河大堤大碼頭民埝開口門約寬十餘丈數十丈不等其王符河民埝亦因山水衝決並有淹斃人口情事覽奏殊堪軫念即著陳士杰委員前往查勘趕緊籌款將被災戶口分別賑撫一面將未經搶築各口迅速堵合毋稍延玩長清縣知縣蘇杰著革職留任候補游擊戴守禮著革職仍留防所以觀後効本年下游決口尚未堵合茲上游又多開決陳士杰將辦無方實難辭咎著交部議處○以恭時

署杭州將軍○甲子諭軍機大臣等現在籌辦海防善後所有鼓鑄製造事宜銅鐵兩項需用甚殷疊經諭岑毓英等開辦礦務事在必行茲據維慶奏四川雲南宜及時開辦鐵廠臚陳九利疊川省擴充局務兼開鐵廠請飭分別籌辦各摺片尙多可採丁寶楨平日辦事認真卽若真成該督會同岑毓英張凱嵩按照該將軍所陳各節並體察各該處地方情形先行籌款實力舉辦嚴計確需經費若干卽行奏明由戶部籌撥的款實力舉辦應用原摺片均著鈔給閱看將此由四百里諭令知之○內寅子故西安將軍多隆阿安徽巡撫李續宜在安徽潛山縣建祠並予故提督石清吉附祀○諭鮑超一氣著該提督督飭將弁將各營所領鎗器械一律呈繳點驗造冊就近移交岑毓英收存並著嚴加約束沿途妥爲遣撤毋任騷擾滋事並著曉諭各該營官如果行走迅速絕無騷擾尙可寬邀嘉獎儻有延宕滋事立予重懲決不稍貸至經過地方著岑毓英丁寶楨張凱嵩全用清通飭各該地方官妥爲照料以利師行

光緒七十二

臣朱壽朋敬編

臣章圭璋恭校

八月丁卯朔盧士杰奏當塗等縣水災情形得 旨飭屬查明被災戶口妥為撫恤毋任一夫失所並將
衝決圩堤一律修築以衛農田○戊辰德馨奏查前准刑部咨以各省軍流徒犯脫逃日眾亟宜變通整
頓又五軍內附近邊遠視流罪道程遠近相同與其沿襲虛名徒滋繁雜何如量加刪減明示區分
請 旨飭下各省督撫體察地方情形悉心妥議以維法紀各摺片光緒九年十月三十日奉 旨依議
欽此欽遵查行到前撫臣潘蔚當經行司移行遵照妥議去後茲據詳稱遵即悉心核議除新疆現在能
否遣發罪犯及發往後作何安置應由甘肅新疆督撫 臣察看辦理外伏查軍流徒犯原因身犯罪孽
不至死故減等發配以期悔過遷習自當在配安分守法豈容到配輒逃致干法網乃近來各省配犯脫
逃日見其多誠如部議幾於無犯不逃自應妥籌安置之法以維成憲而免蟄聚滋事查軍流人犯非殺
人行兇之輩即屬搶竊匪徒野性難馴在獄猶時虞脫逃追經發配任聽散處駐守勢不能晝夜相隨防
範實有所未易一經脫逃雖官為役處於事何益竊縻之術惟有令其身有所事然此輩游惰性成恐未

必肯勤於工作若令在關津驛站充當夫役尤恐其誤公僨事似不若於逃罪上略加懲創之法庶足以挽積習而肅法紀除兇惡棍徒及情節較重軍犯遵照部章到配後監禁十年俟限滿提禁安置外擬請嗣後徒罪人犯到配後照例令其充當鋤草挑水等夫或令作衙署驅使人夫酌給口糧役滿釋回軍流人犯到配即由配所州縣察看情形分別妥為安置或令墾荒興築或令濬河食糧及一切力作之事或令充當夫役量予工食依期查點遇有游惰誤公之犯准各該州縣隨時責懲如若不知悔改脫逃被獲於照例枷號之外再行酌加枷號或鎖帶鐵桿石墩如此辦理是在配有事羈縻口食可資或不至於盡逃而逃者嚴加懲儆亦足以消其桀驁之氣至於三流與五軍名目不同勞逸亦異流止遠地為民終身不返軍則入衛營差世隸軍籍既有應需差役核與民戶不同原不以里數之遠近為衡但邊衛久已裁撤防軍向不以軍犯濫行充數充軍徒有虛名遂致遞發各省安置軍流毫無分別滿流人犯配逃加等改為附近充軍係由流配計程尚非欲遠反近惟尋常流罪加等間擬附近充軍轉較滿流為尤近似覺輕重倒置刪去附近近邊遠三層誠實事求是之道惟五軍名目由來已久見於例復見於律如一律更刪恐事多窒礙或以流犯脫逃被獲調發酌加枷號軍犯脫逃被獲調發即鎖帶鐵桿石墩似此量予變通亦足以示區別下刑部知之○已已諭旨欽此奉署總兵因公被溺懇恩優卹一摺甘肅署西甯鎮

總兵鄧榮佳前在各路軍營歷著戰蹟隨入關隴迭克堅城委署各鎮整飭操防克稱厥職此次在西甯地方帶領兵勇搶護河堤適值山水陡發被淹身故殊堪憫惻鄧榮佳著照總兵軍營立功後身故例從優議卹該部知道○以李鴻藻著吏部左侍郎周家樹著左副都御史文匯著刑部右侍郎○命戶部左侍郎孫毓汶經仍在南書房行走○以山東賑捐出力予大學士左宗棠等優敘有差○庚午 上御紫光閣閱精捷營技藝○諭本年六月以後節次大雨又兼山水盛漲漫溢民堤直隸地方洋田被淹天津河間兩屬村莊被災最多及順天所屬之文安等處同遭災歉閭閻困苦情形朝廷殊深軫念加恩著截留江蘇漕糧十萬石俾作順直賑撫之用李鴻章即會同畢道遠沈秉成督飭各屬詳查災區輕重妥爲分別核實散給務期實惠及民毋任官吏稍有弊混用副體恤民艱至意其隨漕輕糴等項及剝價銀兩經剝耗食米石並著查照成案核數提扣解交賑局應用該部知道○命金順入覲以錫綸署伊犁將軍明春著塔爾巴哈臺參贊大臣○壬申 上詣南海自在觀等拈香○諭昨日軍機大臣呈遞順天鄉試應派考官扣除各員各單內有於初四日始行知照告假者已在禮部具題之後嗣後應行開列考官人員於該部題本進呈後不准再行告假以杜規避○諭岑毓英等奏保關外出力官軍業經降旨將該督撫等分別加恩因念兩江總督曾國荃籌濟各路軍營餉需軍火尙能不分畛域自應量予恩施曾國荃

著交部從優議敘○癸酉諭劉銘傳奏請開缺一摺本日已有旨令楊昌濬兼署福建巡撫矣劉銘傳督師無功正當力圖自贖著將臺灣善後事宜認真整頓以觀後効所請開缺之處著不准行○以畢道遠署兵部尚書孫家鼐署禮部右侍郎烏拉喜崇阿署左都御史祁世長署工部尚書熙敬署工部右侍郎○奎慎奏查奴才衙門所轄玉樹等番三十九族向例每屆三年派令京前往會盟藉便辦理各族詞訟事宜光緒九年冬據玉樹巴燕昂謙族千戶觀戴卻克拉爾加立道人來甯呈懇以近年屢被四川土司德爾格欺陵苛派暨果落克番賊時常犯界搶殺兼有西藏迭哇云等每歲勒索兵費茶銀請委員會盟查辦等情奴才即派令筆帖式雙奎署都司鄒洪勝循照向章隨帶西甯鎮標兵丁二十名蒙古兵五十名並尋識通丁人等前往查辦於十年五月十八日奏明在案茲據該筆帖式雙奎署都司鄒洪勝等本年六月初四日差旋稟稱伊等奉委起程於十年六月十二日馳至玉樹邊界之尼牙木錯族該族百長等前來謁見稟稱現在四川土司德爾格派令管家帶兵三千餘人駐紮稱多地方不日即來攻打我族懇請作主等語該筆帖式等即行繕諭差丁往調德爾格管家前來聽候官辦乃該管家呈遞復呈聲稱尼牙木錯索要我屬百姓差徭若三日內不將尼牙木錯百長嚴辦我軍甚眾難以阻止等語該筆帖式等因即准其調案訊辦而該管家始終不肯前來相持一月有餘於七月二十二日據尼牙木錯百長

遣人來稱德爾格已運到銅礮二尊不日即欲進兵急懇拯救經都司鄒洪勝帶領蒙漢兵數十騎親往
稱多地方請問私自稱兵之罪該管家詞窮始斂兵未動適有四川麻汛千總盧鳴揚巡邊界前來該
筆帖式即備文知照該千總請其就近彈壓嗣據該千總覆稱已據文稟明川憲約須六十日後奏有批
示再行辦理直延至十二月二十六日始准該千總知照奉委曾辦已將德爾格土司之管家傳案該筆
帖式即於本年正月初六日馳赴巴塘地方會同辦理與盧千總晤面而德爾格管家並未到案坐待多
日該管家竟自退轉盧千總亦即折回該筆帖式等未便在彼久待於二月中始回盟所傳集各族千百
戶等即將歷年積案以及尋常詞訟案件逐一秉公辦理完結當即宣布 天恩賞給筵宴緞疋小万荷
包等物該千百戶等俱歡呼頂感望 闕叩頭各歸原牧至應祭鄂牧他拉之黃河源興阿克諾爾暨
瑪沁雪山等處亦已遵照舊制誠心諷經敬謹祝禱訖其各族交納馬貢銀一千二百九十五兩零全數
帶幣祈禱轉解所有該筆帖式等銷差遲延緣由實因彼時與川屬土司相持其勢不容速轉合併聲明
等因旋據玉樹巴燕昂謙族千百戶等復陸續遣人前來遞呈其控訴情形與該委員等所稟
大略相同奴才復查玉樹各族先年最稱富庶祇以距西甯較遠密邇川屬之果洛克野番地面時被擄
掠德爾格土司藉口以保護為名任意欺陵苛派差徭以致各族不堪其擾頻年困苦相繼逃散惟昂謙

千戶族地距德爾格土司最遠與尼牙木錯族僅堪自守未肯應付差徭是以該土司因此挾嫌蓄敵興兵構難幸此次有委員到彼而都司鄒洪勝素經戰陣識尙優挺身前往宣示天威該土司管家雖

復抗悍異常然卒未敢徑行其意而尼牙木錯一族僥倖獲全土司越境生事殊屬任意妄爲除由奴才

分咨四川督臣駐藏大臣轉飭該管文武將土司屬管轄番嚴行約束毋任藉端滋事並將徵獲馬貢

銀兩查照成案委員解交西甯道兌收儲庫報聞○乙亥前刑部尙書鄭敦謹卒予祭葬○丙子上詣

奉先殿壽皇殿行禮○丁丑命李鴻章爲浙越邊界通商議約全權大臣○丁丑諭軍機大臣等總

理各國事務衙門奏法國使臣來華請派員會議通商章程一摺已另有諭旨派李鴻章爲全權大臣矣

此次中法議立滇粵陸路通商章程事係創辦該大臣務當悉心籌畫詳細商議總期周密妥善免致將

來窒礙○諭本年廣西被水成災當經欽奉慈禧端佑康頤昭豫莊誠皇太后懿旨發給賑銀各三萬

兩嗣因直隸天津河間兩屬及順天所屬之文安等縣同遭災歉降旨截留江蘇漕糧十萬石俾作賑撫

之用前據國子監祭酒王先謙奏湖南被災甚重當諭卡寶第查奏茲據奏稱長沙城及湘鄉被水業經

該撫督同官紳勸捐籌款分別賑恤現已各安生理不致流離失所其鎮寧黔陽溆浦辰谿等處被災亦

經妥爲賑撫深慰廑系已諭令卡寶第實心經理以惠災黎茲復據陳士杰奏稱伏汛盛漲山東歷城章

邱等處災區甚廣查明被災人口有三十餘萬之多實奏實深憫恤欽奉 慈諭端佑庫頤昭豫莊誠皇太后懿旨此次災民除由陳士杰籌款撫恤外著將本年北海應修工程暫行停止即由山項工銀內發給山東銀五萬兩俾資接濟欽此陳士杰當仰體 聖慈軫念災黎至意督飭地方官核實散放俾小民恩澤均沾毋任官吏稍有弊混○頒給山東蒲臺縣 城隍廟匾額○德馨奏 於光緒十一年五月初十日承准軍機大臣字寄光緒十一年四月二十四日奉 上諭有人奏江西丁漕積欠甚多等語丁漕係維正之供聞該省除災緩不計外歷共短徵銀五百餘萬兩何竟積欠如此之多其弊安在著德馨破除情面認真確查據實具奏不准稍有含混等因欽此仰見 朝廷慎重催科力杜積弊之至意臣於上年十二月抵任稽核各屬完解丁漕徵數遠不如前地丁截至年底為止有完不及五分者漕糧九月開徵甚至年內尚未破白者當以軍餉緊急需用浩繁卽札司道嚴飭各屬實力催徵限於次年二月以前完解六分以上餘限奏銷前完足如有不及前數者卽行撤參倘能照額全完者卽量予獎勵以期懲勸兼施挽回積習數月以來完數稍有起色欽奉前因伏查江西丁漕積欠數目自同治十一年起光緒九年止通共丁漕兩項除災緩不計外實在未完民欠銀四百七十餘萬兩現在同治十一年起光緒五年止未完民欠丁漕已奉 恩旨豁免所有光緒六年起至十年止丁漕兩項截至光緒十一年五月二十

日止除去災緩不計實在未完民欠地丁銀一百六十三萬九千四百三十二兩一錢二分四釐清折銀八十三萬九千五百三十三兩七錢六釐二共短徵銀一百四十七萬八千九百六十五兩八錢三分揆其致短之由議者有謂花戶之疲玩或云紳富之包抗但急公奉上小民具有天良踐土食毛紳士尤明大義何至以應完正賦抗不輸將恐尙未洞見癥結之切論也江西省歷年積欠之多一在於地方元氣之未盡復查通省徵數之疲積欠之鉅南昌府屬以南昌新建進賢豐城等縣爲最饒州府屬以鄱陽餘干德興等縣爲最南康府屬以星子建昌都昌等縣爲最撫州府屬以崇仁樂安等縣爲最九江府屬以德化湖口等縣爲最臨江府屬以新喻峽江新淦等縣爲最吉安府屬以安福永新吉水永豐等縣爲最以上縣分蓋均連年迭次受傷之區閭閻困苦異常其田之虛高旱者每苦乾旱田之在低窪者又病水潦卽如本年四五月間霪雨兼旬河湖並漲各縣田畝又多被淹經臣於月摺內先後奏報縱年年辦災歲歲請緩無如地方遼闊賦額繁多地方查勘災傷所辦緩徵遞緩統各縣牽算約計不過一二分及三四分爲止故除災緩外稽其歷年欠數尙復盈千累萬陳陳相因是其積欠之多半山水旱頻仍地方凋敝所致也一在於州縣簿書之不講求查江西州縣其徵多報少及以完作欠者尙無此種情弊惟身任催科必須講求簿書深悉欠糧的戶然後摘欠比追辦理始有把握江西自辦軍務以後循例事件未能

實力舉行如推收實徵等項冊籍皆未認真查造胥吏得因緣爲奸上下其手於是賣田者不知過糧置產者並不立戶欺隱詭寄闕漏甲無從究詰每有田在此而人在彼者亦有田已賣而糧不除者戶書闕義無從催追賠虧國課每年不少戶糧之不明徵收何由得手乎訪聞州縣下鄉催徵往往不知糧戶所在且不識何者爲已完何者爲未完惟每至一村延出地方紳士數人詰其向有糧之家勸諭完納令各花戶具立限狀或報完三四分五六分不等求其掃數完清十不獲一該紳士以幫同催徵非其分內應辦之事公正者嗜有煩言狡黠者轉圖包庇地方官果平日留心簿冊各都各圖清查糧戶完欠分明則按籍可稽書差無從舞弊糧戶無處隱瞞催追自不費力何至積欠纍纍催納無從此其弊在戶糧之失於清查也一在於義圖之未盡立查江西從前完納丁漕民間向有義圖之法按鄉按圖各自設立首事皆地方公正紳耆公舉輪充且有總催滾催戶頭各縣名目不同完納期限不一嚴立條規互相勸勉屆期掃數完清鮮有違誤兵燹以後惟靖安高安新昌臨川宜春萬載玉山廣豐瑞昌安遠寧都定南等縣均有義圖是以丁漕每年或全數報完或及九分以上皆由義圖尙存之故此此外各縣義圖十隳八九至近年收數遞形減色積欠日多上年前撫臣所以有飭屬舉辦義圖期收成效藉杜丁漕積弊之請也一在於漕糧之無三限同治四年奉明釐定漕糧改折章程分限加價自九月或十月間徵起第一

月爲初限第二月爲二限過此爲三限凡過限完糧者二限每石加價銀一兩促使早完民間無論貧富一經收穫莫不及時亦價先其所急莫免加價之多而省追呼之擾爾時漕糧九十月間完解業已過半再於冬臘月催完下忙地丁民力自紆同治七年部議改爲二三兩限每石各加銀三錢已不及前時踴躍同治十三年又改爲仿照江蘇辦法年外完漕每石加價錢五百文從此州縣催徵毫無把握蓋民間以九月完漕與十二月無異徘徊觀望相率因循始則收穀待價繼則變價圖利兼以糶取給別項挪移未納漕糧消耗殆盡下忙地丁更屬無籌歲暮嚴追有法無濟一至年外次年之上忙徵期又屆新舊並納股戶且形力絀下戶更屬何能積欠愈多完漕無日專待豁免以清積逋漕糧無三限其弊不僅在漕而地丁亦因而短收光緒九年江西省查明丁漕積弊情形請復漕糧三限曾經前撫臣奏陳旋准部覆令仍守年外加價舊轍費免更章致未規復舊制現在京協各餉及籌辦海防營後事宜用款浩繁似此丁漕欠數日多應何籌解惟有認真整頓飭屬培養民氣整飭簿書興立義圖規復三限以期徵收日有起色藉以挽回積弊據布政使劉瑞芬署督糧道陳志培會詳請奏前來臣查徵收丁漕自以培養民生爲重江西水旱頗仍民情困苦雖歷年查辦緩徵而積欠仍復甚多臣現惟督率司道慎選廉能牧令實心實力寓撫字於催科務令將維正之供年清年款踴躍輸完以裕帑項而挽積疲至江西近時州

縣向無微多報少及以完捏欠情弊惟身在催科整飭簿書是其專責乃於推收實徵等冊多未請求每年丁漕册被糧戶欺隱不少已嚴飭各州縣將民間置買田畝務令業戶推收過湖清楚開報的實戶名造册存查不准再有脫漏隱匿一面按年查造徵糧册按都按圖按甲將完糧銀米細數及糧戶的名查清填註以杜飛洒詭寄庶簿書有據完欠詳明摘欠比追有條不紊事不煩而民不擾於徵收可期起色至設立義圖原係小民急公奉上之意洵為法良意美倘能勸諭興復足補有司催科之不及仍飭各屬察看地方情形因地制宜稟覆辦理期收實效至漕糧三限立法之初不過促令起完之意本無利其加價之私現在江西漕糧完納過遲積欠日甚臣悉心酌核似宜援照江蘇年外加價章程略為變通改為年內按限加徵以期完解迅速凡民間完納漕糧自開徵日起初限一月內不加第二月為二限每石加價錢三百文過此以後均為三限每石加錢五百文核與現辦加價數目並無出入惟江西省年外加價開辦有年今仍請改復年內三限舊制不敢謂徵數必能暢旺第與將來規復本色冬兌冬開之義較為符合其徵收米數令各州縣於開漕後按旬摺報務須界限分明其加價錢文毋庸再歸州縣辦公統令隨解道庫存儲册報查江西民田大半以堤工為保障每年培修無資此項錢文擬專為提充修堤公用以慰糧戶之願似於國賦民生均有裨益得旨江西丁漕積弊已極據奏清查糧戶勸復義圖變通

三隊各節所擬辦法尙屬切實著卽督飭所屬認真整頓實力奉行其辦理得宜徵收不力各州縣並著該撫隨時察查據實舉劾分別勸懲勿得徒託空言一奏塞責餘著照所擬辦理○戊寅諭前因朝鮮兵變幾危宗社李昰應於亂軍案餉不能禁止事後復置不問以致輿論紛紛咎爲禍首朝廷軫念藩服命將出師殄厥渠魁驅除叛黨當時藩察該處情勢若李昰應不離本國則亂萌尙未有艾特命安置近畿優其原餼並准該國王歲時派員問省俾以慰其思慕之情所以防驕患而全私恩者無微不至李昰應到保定後該國王曾兩次咨請禮部代奏懇恩放還彼時因該國大難甫平人心未靖且李昰應甫經獲罪降旨宣示毋許洩陳迄今時閱三年李昰應又以年老多疾瀝陳怨艾私衷其詞卑懇特著李鴻章傳至天津驗視屬實茲復據禮部奏該國王遣使臣閔種默等恭齎表文籲求恩釋情詞迫切至於再三朝廷孝治爲先於藩屬綢繆深矜恤念省愆之日久憫逮養之情殷宜沛殊施俾伸孺慕李昰應加恩准其開釋卽著李鴻章派妥員護送回國並著禮部傳知該國王此係朕法外施仁在李昰應固應永載洪慈慎持晚節該國王亦當痛懲前車之失去譴遠佞親仁善鄰刻刻以勵精圖治爲心庶幾內衅悉除外侮不作以無負朝廷覆庇矜全有加無已之至意實於該國王有厚望焉○庚辰諭御史文海奏婦女聽書宴會有傷風化請旨飭禁一摺據稱近來書館書廩飯鋪酒肆竟有婦女聽書宴會任意遊玩等語婦女入

市遊觀迭經降旨嚴禁乃竟罔知忌憚踵而加甚實屬不成事體著步軍統領衙門順天府五城御史出示曉諭一體嚴禁遇有此等情事即行拿究並查明該家長分別懲辦以挽流風倘查禁不力虛應故事或別有徇隱情節一經發覺定惟該管各衙門是問○諭劉銘傳奏臺灣南路率芒屨底兩番社與七家山番械鬪副將潘高陞不爲伸理並縱勇袒助七家山番致兩番社聚眾滋事請旨將潘高陞懲辦等語潘高陞著即行革職歸案審辦○辛巳諭上年恭遇 慈禧端佑康頤昭豫莊誠壽恭欽獻崇熙皇太后五旬萬壽迭經降旨覃敷閭閻茲據劉銘傳奏總兵譚上連老親年逾八秩祿養承歡允宜一體施恩甘肅西甯鎮總兵譚上連之母姚氏賞給御書匾額一方紫袍三襲玉如意一柄小卷江綢袍褂料二件小卷八絲緞袍褂料二件用示錫類推恩至意○以鄧解古林練餉出力予江甯布政使梁學煌等優敘有差○烏魯木齊提督金運昌因病乞休允之○壬午李用清奏竊臣於上年護理之初因黔省地多插花於吏治有礙擬設法改撥以正經界曾經縷晰陳明奉 旨切實爲之欽此遵即轉飭局會議妥籌去後茲據貴藩司曾紀鳳等詳稱遵查貴州地多插花插花之名爲經傳載籍所未見惟前湖北撫臣胡林翼守安順時論之最詳大略言黔省府廳州縣有治所在此而所轄地土隔越他界或百里或數百里並無一線相通者是爲甌脫又或本屬之地插入他境既斷仍續已續復斷者是爲鴨離又或夾入夾出僅有一線相通長

短廣狹彼此交錯者是爲犬牙通省形勢不齊要不離此三者而土人則概稱爲插花犬牙各省交界之地所常有惟隔離賦脫爲各省所無此插花情形也查貴州自前明始置行省所設衛所州縣皆苗疆土司之地土司歷世甚久彼此侵奪各守零星之地原非畫一之疆及其獻土也則舉其所有而分隸之其設爲州縣者但按戶籍以編審而戶籍不盡相聯屬也設爲衛所者但以屯田爲實壤而屯田或分布各處也經界之始未暇一一詳勘我朝改衛所爲州縣規模較備而星散播雜之地猶仍其舊此插花原委也州縣爲親民之官有插花則所親者不相近而相遠州縣爲治事之官有插花則所治者不在此而在彼彼有可制之勢而無其權此有可制之權而無其勢凡吾所應親者應治者應近者多懸於數百里之外縱令留心民瘼亦限於聞見而莫可如何徒使良民之納糧者應試者赴愬者舍近就遠皆苦於跋涉羈候之艱而刁劣之生監兇惡之棍徒强悍之盜賊轉得恃糾發所不及旬結橫行以爲害於閭閻此插花流弊也所論至爲明切今欲請明吏治而應設法陸續撥正而撥正之法又苦不易溯自胡林翼建議於前既已創而未行同治間苗疆粗定司局踵行於後又復行而仍輟推原其故豪強憑恃險遠難祇圖便乎已私官吏各懷畛畦甚且陰持平肥瘠或前官未竣後任因循或開徵期近暫時模稜以故張弛靡常訖無成效茲奏明辦理自應切實經營該司道等悉心籌議以爲頭緒太繁宜擇其要事體太雜

宜行以簡必無更張之擾乃可收整正之功酌擬章程六條詳請奏咨前來臣覆核該司道等所詳各情及所擬條款均中竅要又查近日巡閱上下游體察情形黔省藏垢納污大半在插花之地外來游勇會匪伺隙而動自應如議辦理期於地方有裨得 旨戶部議奏單併發○奏末諭吏部奏遵議大員處分可否准其抵銷一摺山東巡撫陳士杰著照部議降三級留任不准抵銷○吏部奏查則例內開凡獲盜獲匪請獎之案祇准給與議敘其最優者止於送部引 見嗣以四方多故凡香把捻嘯各匪及大夥匪犯聚黨盤踞抗拒官兵之案層見疊出剿捕既不易為力獎勵宜量予加優節經 臣部陸續奏定章程准將出力人員指定應升官階免其送部引 見仍不得越級保升及各項免補免選例章本極明晰溯查咸豐年間粵逆倡亂各路統兵大臣及各省督撫保奏擒斬要逆攻克城池出力之案本 臣部定章所未備維時事情緊急不得不破格優獎故 臣部另立章程釐定軍營異常勞績獎敘原以軍務方興用資激勵非獲匪通例也嗣後各省督撫於拿獲匪盜各犯雖非軍務省分往往以勞績與戰功無異之辭保獎若概照鉅功異常勞績議准不惟辦理過優且獲匪定例定章勢將廢而不用亦非核實之道現值各省軍務底定自應申明例章示以限制應請嗣後除軍務省分帶兵打仗及非軍務省分遇有佔踞城池重案並非本省地方官會同營汛剿辦者仍照軍功異常勞績核獎外其餘本省地方官會同營汛剿辦各

項匪盜叛逆出力之案雖經聲敘勞績與戰功無異仍應按照定例定章分別給獎以昭核實得 旨允
行○甲申李用清奏 臣於本年正月二十五日以黔省抵捐各生年籍不符附片具陳請飭部議欽奉
諭旨戶部議奏欽此欽遵在案茲於五月十七日接准戶部咨開本部議覆廉俸抵捐案內捐生應令查
取履歷咨部請獎一摺奉 旨依議欽此相應鈔錄原奏飛咨查照等因到 臣查戶部原奏以扣存各
捐生若僅因年歲籍貫外錯卽行概予註銷未免向隅等語自是爲體恤捐生以昭大信起見惟 臣近日
細加體察有無庸展限以示體恤者三查抵捐係以欠款作抵並無實銀上兌一也逾限既久係屬自誤
於人無尤二也查抵捐依限停止之時正海防經費開辦之日該捐生果有報効自可向海防經費局報
捐並非無捐可報三也 臣再四思維方今海防經費關係重大應付一切雜捐門路悉數杜絕使之專注
一途庶可望有起色似不如依限停止無庸展限方於捐務大局無礙原奏又以倘有捏名開報預爲居
奇待價等弊應卽由該署撫查明隨時自行扣除等語查報捐惟以年貌籍貫爲憑不容稍有含混如准
其更正張冠竟可李戴體察情形實在無從查考又檢查案冊本省報捐者絕少捐生多係分布各省一
經出示曉諭公私往返半年之內萬難到齊比及彙齊限期又逾勢不能再請展限自來捐務引而愈
長以致收場之際弊竇叢生率皆由此 臣前於附片奏請飭議時未經聲敘詳明是以部臣據 臣前奏酌

議定展限半年原極允當今臣體察情形既有所見不敢意存迴護自蹈欺罔之咎下戶部議奏○乙酉
楊昌濬穆圖善奏大學士軍機大臣二等恪靖侯臣左宗棠前因衰病乞假回籍調理奉 旨俞允正在
交卸 欽差大臣關防擇日就道乃自七月中旬加患腰痠近復手足痠癢熱痰上湧勢漸危篤醫藥罔
效竟於二十七日子時因病出缺伏念大學士臣左宗棠山舉人兵部郎中歷任湖南巡撫軍幕受 文
宗顯皇帝特達之知咸豐十年以四品卿襄辦兩江軍務同治元年山太常寺卿補浙江巡撫督辦軍務
二年浙東肅清除閩浙總督二年秋全浙肅定閩事告急遂移師入閩連復郡縣賊至嘉應滅之計轉
戰江皖浙江閩粵間凡五年而粵逆殲除東南略定又值回捻互煽西北戒嚴奉 詔移督陝甘師次渭
南值張總愚渡河東竄又移師北向追破於燕齊之境捻平入 覲復督師入關同治十二年關隴以次
削平進剿新疆光緒四年全疆恢復旋奉內調自後兩次入贊 樞廷一督兩江朔雲炎風驅驅况瘁蓋
三十年於茲矣上年七月法人敗盟馬江失利復奉 旨督辦福建軍務時年七十有三積勞過久本係
多病然聞 命之餘慷慨戒行冒暑數千里率所部兼程而南抵閩之日即傳令迅集帆船冒險東渡士
民驚駭萬衆籲留十二月下旬風雨交作探知法船大集馬祖澳將乘歲除攻我不備臣昌濬方督率親
軍巡視沿海營壘而左宗棠拏舟飛渡直趨金長興等中嚴軍律下令堵壅海口詭謀遂阻惟時法船

會聞趨臺臺北警報迭至該大臣遣將調兵購軍火借洋欸雇商船晝夜孜孜以謀援臺值南洋援艦過敵不前滬局新雷急難應用陸軍環列海埔無可藉手旋聞澎湖被陷椎胸頓足至廢寢食痰疾因之而起然猶手治軍書時復騎馬習勞未敢一日休息泊和議事成則與臣等籌商疏請開拓船塢各廠盛興順利以爲補牢之計假期之內條議海軍酌撤營勇區畫井井一如平時每與僚屬談及總以此行未能破敵大加懲劄引爲恨事肝疾牽動憤鬱焦煩左右皆爲感歎日前腰痛時作飲食銳減猶與臣等議論警後惓惓不置亟望疏陳各事 朝廷早日舉行臣等方勸其節勞養神詎意一兩日中病勢陡增百方無救遂至不起臣呂溶與左宗棠以同里布衣之交當立軍之始卽委綜辦營務死生患難曾與共之臣穆圖善南服西陲兩與共事亦深服其公忠體國精神才識非時賢所及乃於七月二十四日病體初劇臣呂溶省視榻前尙以 君恩未報遺憾未伸爲念二十五日自知不起口授遺疏囑其子孝寬續交臣等遂不復語雖子孫侍側卒無片言及其家事平日堅忍耐勞清操自勵與士卒同甘苦官中廉俸盡以撫恤瘡痍犒勞將士分潤寒暖周給故舊身後蕭然無異儒素屬職之夕軍民同聲感泣臣等慨想生平亦不覺涕泗之交流也伏乞 聖主天恩垂念該大臣盡瘁報國歿於王事如何 逾格加恩從優 賜卹之處無待微臣籲懇亦非臣下所敢擅擬謹陳大略恭候 聖裁至其生前勛績以及兩次澎湖功德

在人容臣昌溶詳晰臚列另行具奏 上諭大學士左宗棠學問優長經濟闕達秉性廉正辦事忠誠由
舉人兵部郎中帶兵剿賊迭著戰功蒙 文宗顯皇帝特達之知擢升卿寺同治年間剿平髮逆及回捻
各匪懋建勳勞 穆宗毅皇帝深資倚任畀以疆寄雅兼所授為欽差大臣督辦陝甘軍務運籌決勝
克奏膚功簡任綸扉優加異數朕御極後特命督師出關肅清邊圉底定回疆厥功尤偉加恩由一等伯
晉為二等侯宜仍來京管理兵部事務命在軍機大臣上行走並在總理各國事務衙門行走竭誠襄贊
悉協機宜旋任兩江總督盡心民事裨益地方厥歷中外恪矢公忠洵能始終如一上年命往福建督辦
軍務勞瘁不辭前因患病籲請開缺迭經賞假並准其交卸差使回籍安心調理方冀醫治就痊長承恩
眷詎意未及就道遽爾溘逝披覽遺疏震悼良深左宗棠著追贈太傅照大學士例賜卹銀三千兩治喪
由福建藩庫給發賜祭一壇著吉尼音布前往致祭加恩予諡文襄入祀京師昭忠祠暨其祠並於湖南
原籍及立功省分建立專祠其生平政蹟事實宣付史館任內一切處分悉予開復應得卹典該衙門察
例具奏 欽此 嗣籍時著沿途地方官妥為照料伊子主事孝寬著賞給郎中附貢生孝勳著賞給王事均
俟服闋後分部學習行走廩貢生孝同賞給舉人准其一體會試其二等侯祿應以何人承襲著楊昌溶
迅速查明具奏用示篤念燕臣至意○諭軍機大臣等劉銘傳等奏遵保基鴻勝立功將士并歷次戰

守尤爲出力之援軍練軍轉運員弁官紳并案開單請獎一摺軍營保獎人員必須打仗獲勝或扼守要隘等項實在著有勞績方足膺懋賞而昭激勸此次軍開除馮尼接仗出力各員弁應量予獎勵外其王詩正一軍前經臨敵失利吳鴻源一軍留守中路并無戰功該撫等一併彙保其餘各營何項出力亦未詳細聲明是開報既屬籠統保獎復多濫冒殊非發實之道著劉銘傳會商孫開華將軍開具數及所請獎敘嚴行裁汰悉心核定分晰開單據實具奏○丙戌命敬信查勘 昭西陵 孝陵 景陵 定陵應修工程○諭裕慶阿克丹奏請選擇合龍吉期一摺盛京 福陵 隆恩殿工程將次完竣著欽天監於九月內選擇合龍吉期先行知照即著盛京將軍等敬謹遵照辦理該衙門知道○丁亥命榮頤守護

東陵○李用清奏查 封典虛銜向來尋常勞績尙不輕予而虛實相劑實與庫儲相爲表裏比來黔省除補署外幾無鼓勵人材之具過有緊要差委非優加薪水不足以昭激勸蓋名輕則財益耗其勢然也又查黔省抵捐一項始則奏請以武俸抵捐繼又奏請兼以卹款抵捐臣於九年十二月初八日到藩司本任時又有補報陣亡員弁兵勇請卹之事於是從前隨營員弁人人連篇累牘前來補報檢查案牘竟有從前所帶兵勇止數千百名而補報多至數倍者欠欸愈難銷清前後重複經 督飭司局上緊清理將近一年近始漸有頭緒推原其故開局之初原爲抵銷欠欸起見迨其日久弊生則以報捐雖係虛欸

所收一切雜費均係實銀因而推廣惟恐不力展限惟恐不寬自開局以來屢次展限前後已五年矣伏查黔省名器之濫一濫於保舉再濫於減成之收捐保舉之濫至於上年十一月二十六日奏請部示一摺內已有其大略且數年所保各員由黔請咨赴部大率僅據該員自行呈明離營日期並無經手未完事件一項為據實則檢查案牘大半不止無離營日期亦並無到營日期不止無經手未完事件亦並無當日經手事件案據臣實不願推波助瀾俾官場日就頹擠難還之途現奉部咨山該員原籍省分自行具結給咨立法極為公允至減成收捐流弊請更述其略臣前服官廣東時候補佐雜約二千餘員補署無期勢不能不設法調劑因而一差分為數差一員之差添為數員以差費為分潤候補既取給於現任試問現任從何取償自來戶部與各省藩庫綜名核實止以庫款出入為憑實則無論有名之款與無名之款總是地方精華小民脂膏盡統計一歲中非十餘萬金不足供此二千餘員之沾潤若問當年報捐實銀到庫之數以戶部減成章程暨各員分局照中遞減之數核計恐至多無過二十萬之譜平心而論果係生財之路抑係耗財之門惟此猶係軍務方殷時勢出於不得已若黔省抵捐則並無實銀到庫不過謂武俸恤款各庫中應發之項須令員弁家屬少有沾潤以彰實惠查武俸一項除本員在黔自行領抵外其餘故員家屬不盡在黔大亂之後又多無從稽考今之輾轉售買者率皆署中衙蠹借此老款為

議案計至於陣亡勇丁散在各省尤屬無從查考今之持印札來抵捐者又皆當日隨營員弁借建祠之名爲分肥之計實則兵勇家屬並不知情細揆近日辦理情形實與當日奏請開辦體恤員弁之意不相干涉而輾轉出售訟獄繁興殊屬不成事體臣方悔初到藩司本任時未能詳請停止是亦見事不明決之故常用自咎至於句串舞弊尤多出情理之外臣訪聞從前新黔捐局未停時竟有奸民以數十金買數百金之欸山黔捐一官階故意將報扣欸式違謬爲部駁地步一經部駁批令移獎虛欸竟可作實銀轉售在部臣則力求綜核在捐生則適便私圖此豈意想所能及方今海防經費捐務章程立法盡善撤去分局總歸藩庫匯總於戶部務令易知簡行直截了當庶幾有弊亦易覺察黔省抵捐所積二千餘名年籍不符之捐生若再准其展限更正竊恐此間多銷數項不發之虛欸戶部無可收一項有用之實銀除恭摺請由部另議外謹將報捐積弊大概情形附片陳明下戶部知之○庚寅卡寶第奏國家財用至今日而愈難綜計歲出大宗莫如兵勇之兼設查各省旗綠各營兵額七十七萬餘人每年薪糧計銀一千數百萬兩養兵不爲不多費餉亦不爲不鉅在朝廷規模遠大原不惜散財以備兵無如兵愈多則力愈弱餉愈鉅則國愈貧粵逆自金田起事初不過二千人廣西額兵二萬三千土兵一萬四千乃以三萬七千之兵不能擊二千之賊廣西兵不可用他省可以類推其後髮捻回苗等匪悉賴湘淮營勇剿除

截定綠營戰續無聞大亂甫平伏莽未盡兵不得力勇難盡裁於是歲支勇糧又在二千餘萬兩賦入有常何堪如此耗費說者謂裁勇補兵足資節省不知勇糧較兵餉爲優孰肯背井離鄉就此數錢兩許之餉勇之不願爲兵有必然者今欲化弱爲強兵皆如勇勢非裁額併糧變通營制不可而變通營制非漸次辦理不可何者營制不可變通則今日所練之兵仍是舊染之習變通不漸次辦理則驟聞裁汰之議未必不激軍衆之疑所謂變通者綠營餉制每月馬兵一兩九錢戰兵一兩四錢守兵九錢客月無多必藉小費手藝以謀生活既不能禁雜別業即不能責令專操無論技藝之生疏也而其分踞鄉里各謀生計遇有調遣或製造鍋帳或整理器械或安頓家口或僱倩頂替非數日不能成行軍情瞬息萬變何可任此遷延從前例平大難各省用勇不用兵者正爲倉卒不堪以應變也臣擬請裁額併糧以兩餉撫養一兵厚其廩祿俾無室家之累仍仿勇營規制如額兵一萬分作二十營以一半駐守以一半巡防南營至北東營至西互相邏戍令習辛勤仍復按時吏替以均勞逸無事則計日操防有警則隨時援應申明紀律不准再蹈綠營習氣所有營官於現職副參游中遴選曾經戰陣謀勇兼優者任之都守以下充當哨弁現時新疆設立提鎮各官奏請照楚湘營制者卽此意也所謂漸次辦理者兵現減額原設將弁亦應隨之核減綠營將弁歲領廉俸馬乾薪紅銀兩職分大者一官可抵百兵之餉小者亦可抵十餘兵

數十兵之餉故大學士臣曾國藩等議安徽綠營各請將零星孱弱之兵一律裁撤營汛將弁暫緩敘補誠以裁汰兵丁須先裁汰將弁乃不棘手蓋綠營積弊曠置空糧攤扣月餉以及左右役使無非額兵裁汰之議詢與將弁不便故多設辭阻撓希圖仍舊積習之牢殆不可破也臣擬請先裁將弁以併營則所併之營兵已見多以後逐漸裁兵仍與所部原額不相上下斯酌留將弁自不致藉詞梗阻各營兵丁遇有故革及老弱裁汰缺出暫停招募俟通省出有千缺即將現兵挑精壯五百人補之給與雙餉綠營精壯不足即以營勇撥補作為練軍一營均照勇營章程辦理庶幾兵歸實用勇可漸裁或亦節省餉項之一道也下部議奏○以鄧增為伊犁鎮總兵○辛卯諭烏拉布等奏職官因誤刻關鈔入關據實陳明一摺朱震甲聽宣錯誤率行入關殊屬不合著交部議處監臨提調監試等官未能即時查明具奏亦難辭咎均著交部察議○賞給蔣濟堂廣仁堂煮賑米石○癸巳諭軍機大臣等各省勇營糜費甚鉅已欽奉 諭旨令各將軍督撫汰弱留強嚴實辦理惟向來撤勇一事流弊滋多不可不謀之於豫且此次撤勇固貴節省餉項移作要需尤在整飭營規練成勁旅將此諭令知之○命二品頂戴三品卿銜直隸大順廣道張蔭桓以四品京堂候補○甲午命軍機章京吏部員外郎錢應溥以五品京堂候補○是月日本國使臣榎本武揚回國參贊島田允則署理

九月內中朔貴州安義鎮總兵陳嘉卒于祭葬照提督例賜卹戰績付國史館立傳○以蔣宗漢爲貴州安義鎮總兵○丁酉諭祥麟奏遵旨保薦人才一摺甘肅蘭州府知府恩霖禮部員外郎桂斌陝甘總督禮部堂官出具切實考語交吏部帶領引見○戊戌諭前因鴻臚寺卿鄧承修奏參湖南布政使龔易圖在廣東藩司任內有勒索巡丁收受賄銀等項情事河南開歸陳許道潘仕釗狼鄙刻薄鄉里不齒等情當經諭令彭玉麟督查具奏茲據查明據實覆陳龔易圖被參勒索巡丁各節或事無左證或傳聞失實惟以現任藩司納部民之女爲妾復任聽游擊梁肇駿頂冒官職得有管帶輪船差使商人石應麟往來藩署購買軍裝浮開價值又爲其子石和鈞朦保把總復與蔡壽嵩串買朽壞輪船朋領鉅款通判劉鼎總辦佛山火藥局務並不到局倚勢舞弊遇事招搖縣丞薛瑞光奔競得差藉事訛詐購買軍火把持侵蝕該藩司任用匪人種種徇庇實屬營私不職請將該藩司革職嚴東候補通判劉鼎陽江縣丞薛瑞光業經革職著永不敘用仍驅逐回籍交地方官嚴行管束蔡壽嵩著與行爲卑鄙之游擊梁肇駿把總石和鈞一併革職永不敘用石應麟石和鈞蔡壽嵩浮開軍火鎗械價值著張之洞倪文蔚稽查明確勒令賠補不准稍有含混潘仕釗在籍高藩增築扛訟把持品行不端實屬貪利無恥該員業經開缺著卽行革職餘著照所議辦理該部知道○己亥劉錦棠奏前奏新疆南路改設驛站並請酌量變通支

給各驛經費銀兩等因業奉 諭旨允准欽遵在案茲查葉城縣治前於擬設南路佐雜摺內奏明移建
哈哈里克該處原設驛站應請改爲葉城底驛其原在葉爾羌固城准設之葉城底驛應即毋庸安設于
闐縣治奏明移建克里雅該處距和闐州四百五十餘里應請在於多羅白石頭渠勒早蘭及于闐本城
各設一驛以資轉遞所有該五驛現設驛夫馬匹經費銀兩應飭悉照奏定變通章程支給以歸劃一下
部知之○曾國榮奏蘇省沿江各屬被淹查辦賑撫情形得 旨覽奏殊深廕念卽著飭屬核實散放妥
籌接濟毋任一夫失所一面趕緊修葺疏濬積水以衛農田○以松椿爲湖南布政使姚廣武爲江西南
贛鎮總兵○庚子諭軍機大臣等總理各國事務衙門呈遞曾紀澤信函據稱英國現派使臣馬科帶來
京專議印度西藏通商一事等語藏地通商英人蓄志已久前欲山川入藏遊歷卽爲通商地步今該國
專派使臣來京商議通商之事必應先事編緝詳加品畫西藏番衆仗喇嘛爲長城視洋人如深仇若不
商議妥協貿然前往必致開釁生事然番族恃衆好勝祇有阻遏之心並無堅拒之力設彼族恃強逞兇
藏番無從抵禦後患何可勝言殊於時局大有關係向來通商之地不至遽起兵端是經營商務未始不
收保護之益況遊歷載在條約目前卽不遽許通商須先與藏番定議准其游歷俾得暢行無阻但使西
藏與洋人耦居無猜將來通商一事庶不至始終膠固著丁寶楨詳細籌度會商色楞額崇綱遴選明幹

委員向該番眾將此時一切事理切實開導必使覺悟而後已番眾頭目中富有明白曉事之人所派委員必須通達大體而又熟悉番情性方能於事有益該督等務當詳慎籌商並將邊辦情形先行迅速覆奏會紀澤信一件著鈔給閱看將此由六百里各該令知之○欽奉 慈禧端佑康頤昭豫莊誠皇太后懿旨醇親王奕譞等遵籌海防善後事宜摺內奏楊臺海要隘宜有大員駐紮等語臺灣為南洋門戶關係緊要自應因時變通以資控制著將福建巡撫改為臺灣巡撫常川駐紮福建巡撫事即著閩浙總督兼管所有一切改設事宜該督撫詳細籌議奏明辦理○諭軍機大臣等李鴻章奏遵籌雲南電綫擬改接鄂綫山川入滇請飭四川籌借銀十萬兩交電局委員領用等語即如數籌解以資應用○辛丑欽奉 慈禧端佑康頤昭豫莊誠皇太后懿旨前因海防善後事宜關係重大諭令南北洋大臣等籌議具奏嗣據該大臣等各抒所見陸續呈奏復經諭令軍機大臣總理各國事務衙門王大臣會同李鴻章妥議具奏并令醇親王一併與議茲據奏稱統籌全局擬請先從北洋精練水師一支以為之倡此外分年次第興辦等語所籌深合機宜著派醇親王總理海軍事務所有沿海水師悉歸節制調遣并派慶郡王奕劻大學士直隸總督李鴻章會同辦理正紅旗漢軍都統善慶兵部右侍郎曾紀澤幫同辦理現當北洋練軍伊始即著李鴻章專司其事其應行創辦籌議各事宜統由該王大臣等詳慎規畫擬立章程奏

明次第興辦○彭玉麟因病乞開各項差使不允命賞假三月回籍調理○以陶模爲直隸按察使○壬寅大學士靈桂卒予祭葬賜卹如例命輔國公載瀝前往奠醑入祀賢良祠○癸卯諭前經派往朝鮮之親慶等營駐防四年藉資鎮撫上年亂黨滋事一切因應機宜尙稱妥協著李鴻章擇其尤爲出力者數寶保獎○諭都察院代遞教諭謝鼎卿條陳擬造疏河轉地杼是否可用著李鴻章酌覈具奏○追予故福建福寧鎮總兵張得勝建祠戰績交國史館列傳○以貝錦泉爲浙江定海鎮總兵○以創辦電報出力予國子監學正銜謝家福等優敘有差○甲辰欽奉 慈禧端佑康頤昭豫莊誠皇太后懿旨醇親王奕譞等遵議海防營後事宜摺內奏稱長江水師岳州漢陽湖口瓜洲狼山五鎮之舢板船宜令先裁一半將營哨弁兵額缺酌量裁併卽以裁出之餉添製淺水輪船分隸巡防等語前於江南軍務大定後曾國藩等創立長江水師因江面巡防不可不各專責成亦爲安置立功水勇起見今已十有餘年各營營勇大半更換巡防一切規模亦不及從前之嚴整每年糜餉甚鉅本應設法刪汰節省現在整頓海防如於長江水師中參用淺水輪船自較舢板船爲得力惟必須騰出餉項方能次第辦理著彭玉麟會同岑裕祿李成謀悉心會商所有原設長江水師能否酌裁一半及淺水輪船應添若干分隸各鎮詳晰籌議具奏將此由五百里諭知彭玉麟會同岑裕祿並傳諭李成謀知之○丙午孫鳳翔奏查河南府屬孟

津縣之鐵謝鎮相距里許舊有漢光武帝陵寢一區歷經遵守同治年間因河流衝刷逼近陵垣兼衝及鐵謝鎮寨根經前撫臣錢鼎銘奏委前臬司紹誠親詣勘估修築魚鱗石壩二十七道藉資保護光緒五年河流緊刷鐵謝寨根將臨河一面寨垣衝毀寨內居民二千餘家爲河口屯運糧穀馬頭且有漢陰后陵寢已經衝塌復經前撫臣涂宗瀛派委升任藩司德馨前往覆勘添築磨盤壩各工並飭該縣隨時察看設法修防各在案本年六月上游雨水過多山水陡漲而下河流陡漲直逼南岸磨盤壩東第三四五石垛正迎大溜已被衝刷無存雖經該縣隨時搶護奈水勢過急屢護不成第六七垛全行衝沒餘壩悉多蟄動勢極危險臣接據該縣稟報後卽檄飭候補道陳運珙馳往確切查勘各壩正當大溜堤岸塌去五丈有餘壩垛全行蟄動並衝毀民居十數家設不先事預防誠恐前功盡棄應於陵東添築挑水護雀大壩二道改作大壩五道俾可節節得力不致侵動寨垣民居亦可保全等情稟覆前來臣查鐵謝工程歷經修防穩固本年因河流直逼南坪水勢湍急致將各石壩垛衝毀蟄動既經勘明委係緊要工程自不能不趕緊辦理值此庫款支絀更當竭力撙節核實經理以期款不虛糜現在秋風正旺防範尤宜加慎除飭孟津縣就近先爲購買民石竭力拋修以免續塌外一面飭司籌款派員採辦山石趕籌修築以資保衛得旨知道了現值秋汛卽著加意防範一面飭屬趕緊修築核實經理以期工程穩固欵

不虛糜○丁未 上御 紫光閣閱視精捷營技藝○諭軍機大臣等順天府代遞道員葉廷春條陳內

扶持商周一條據稱請准招商局輪船裝運鄂鹽該局承運漕糧請照沙船回空免稅章程辦理並展緩
運漕糧期藉客貨水脚補其不足湖北帽合茶酌減稅課歸局裝運等語所陳各節係專為維持商務起
見惟於各該省釐政稅釐有無關礙著李鴻章會同該省體察情形籌商奏明辦理至該局事務應否令蘇
松太糧道及江海關道就近會商釐酌量具奏○諭本日御史俊父呈遞封奏摺內措詞有未能明晰之
處著傳旨申飭○劉錦棠奏竊新疆改建行省治迪化省城所有省會應設各官自應分別添改除臬司
仍照原議無庸專設經臣奏請加鎮迪道按察使銜兼管全疆刑名驛傳事務外惟省會應有首府附府
應有首縣以期指臂相使大小相維臣前奏設甘肅新疆巡撫布政使摺內請改設迪化府縣等官嗣經
部議應俟南路八城建置事宜辦有頭緒再行酌量具奏奉 旨依議欽此欽遵在案伏查南路建置諸
務隨時舉辦漸有規模臣與藩司魏光燾業經先後抵任籌辦一切需員臂助省會各官未可再緩應請
升迪化直隸州為迪化府設知府一員治迪化城增置迪化縣一員為附郭首縣與迪化州原屬之昌吉
綏來阜康奇台共五縣均隸迪化府屬過事山該府核轉其迪化州原管之戶籍田賦驛刑考試及地方
一切事宜概歸迪化縣經理此外藩司衙門首領各有職司擬請設布政司經歷一員又庫大使一員專

司庫務擬請名新裕至鎮迪道既兼刑名應請設道庫大使兼按司獄一員迪化府首領應設府經歷兼司獄一員並查迪化城倘有巡檢一員爲稽查彈壓而設現既建置省會情形不同擬請卽裁該巡檢缺改設府經歷迪化縣應設縣典史一員專司監獄督捕擬請改迪化州吏目爲縣典史學官則迪化州原設學正一員兼管所屬各縣學務今升州爲府擬請改學正爲府教授照舊兼管各縣學一俟將來學校大興再擬添設以省糜費以上各缺應定爲何項缺分俟設定後再行擬議辦理仍懇照吉林新設各缺酌補一次成案由外揀補一次庶於地方有裨下吏部議奏○己酉金順奏呈進貢馬報聞○庚戌命松森驗收 福陵 隆恩殿工程○壬子諭軍機大臣等曾紀澤電奏已悉英國北緬有無規畫進取顯然布置情事著將近所偵察詳晰電聞語勿太簡繇亦剏貢之邦儻彼謀未定遽與開墾是啟之也所籌一節著候有遵行慎勿輕發該大臣前有八募拓界之奏曾交張凱嵩查覆旋據奏報新街踞匪殄除並無另有華人占踞八募之事自騰越城南三百五里至蠻允爲雲界由蠻允至緬之新街計二百八十五里其間一百六十五里爲野人界向無管轄所奏拓界一節窒礙難行等語今該大臣此奏仍循前說究竟八募坐落何處與新街是一是二其中有無野人間隔此層最關緊要不可稍有訛誤並著探訪明確電聞○以黃河防汛出力予按察使許振禮等優敘有差○癸丑諭前據崧駿奏江西河南等省光緒九年

分經徵漕項及漕米節省耗羨未完分數各職名當令該部議奏茲據戶部等衙門奏遵旨會議開單呈覽一摺前因本省經徵地丁鹽漕錢糧未能依限全完題本又多遲迴經戶部奏令各督撫一面具題一面先將未完一分以上各員奏報由部核實處分以示懲儆該經徵人員宜如何奮勉從事實力徵收乃此次單開河南省經徵光緒九年漕米節省耗羨初參未完分數各員內仍有未完五分以上並有未完十分者殊屬不成事體所有未完五分以上之陳留縣知縣李清鉉未完十分之署鄧陵縣知縣候補知縣孔繁潔署蘭儀縣事內黃縣知縣王季球均著照部議革職餘依議嗣後各督撫務當嚴飭經徵各員將未完錢糧如期徵收批解毋任遲延滋咎倘敢仍前玩泄即著從嚴懲辦其應奏未完分數各員務必趕先奏報勿事延宕致同具文○諭興廉等奏南漕驗收完竣請將承辦各員嘉獎等語本年江浙漕糧挽運到通經該侍郎等查驗米色一律乾潔辦理亦尚妥速江蘇糧道王毓藻浙江糧道廖壽豐兼署楊村通判姚舉均著先行交部議敘以示鼓勵○詞何秀林為雲南臨元鎮總兵鄧榮陞為雲南普洱鎮總兵○甲寅希元等奏前因坤春既經改設專閫大員所有該副都統屬下協佐防校各缺均經仿照各外城體制一律辦理惟應設前鋒各缺漏未議及是以前經援案添設前鋒校二名前鋒旗綠二名前鋒十六名以符體制其所需餉銀均歸入俸餉案內造報當於上年三月附片奏明在案旋奉部覆內稱吉林

各城副都統屬下額設官員冊內並無設有前鋒校之缺所請添設前鋒校前鋒旗綠等缺之處應毋庸議等因咨行前來奴才詳查璦春原係協領管轄嗣於光緒七年前任將軍銘安因璦春地方緊要奏請添設副都統大員以資鎮攝其應設各官均照各城體制一律添設奏奉 諭旨允准在案其前鋒一項漏未議及前經聲明添設經部核與官冊不符伏查吉林各屬本無前鋒校名目而各城額有之前鋒均屬委缺皆與領催相等統係月支餉銀三兩較京旗之實缺前鋒校食餉數目已屬從減況吉林各城均有額設前鋒三四十名不等今璦春僅擬添設前鋒二十名實與各城額設之數有減無增於規復體制之中仍寓節省之意懇 恩俯念璦春地方緊要所有前請添設之前鋒二十名係照各城額數核減仍准添設庶與各城體制一律相同如蒙 俞允實於該城操防均有裨益下兵部議奏○曾國奏恭遵旨籌添河運漕糧擬將河道大加修治得 旨據奏來年河運酌添江蘇漕糧五萬石著照所議行該督等卽督飭委員將邵河道淤淺段落切實勘估認真挑浚並咨明山東巡撫務將東省運河一律疏通以期漕運逐漸加增是爲至要○乙卯色楞額等奏據布魯克巴部長呈遞夷稟譯漢內稱情因小部落中頭目終薩奔洛巴竹奔洛等不遵小的約束竟敢以下犯上聚眾圍攻營寨占踞地方燒殺搶擄無所不爲百姓大受其害難以棲止伏念小部落與西藏同奉佛教全賴 大皇帝及達賴喇嘛保護別無所

依今小的事在危急務望作主據派漢番大員前來查辦以救性命等情奴才等正商辦間據護理江孜汛守備李聯魁稟報該部落中自相仇殺現有避難布番男婦百餘人帶牛馬帳房逃入江孜境內欲自行赴藏呈訴等情前來當經奴才等檄諭該部長及紇薩奔洛等迅速罷兵聽候查辦一面札飭護守備李聯魁會同該處營官將逃入藏境之布番等妥為撫恤勿令流離失所亦勿任滋生事端並譚行商上遵辦在案伏查布魯克巴部落地居徼外壤接藏疆乃邊圉之屏藩實相依為臂齒雖自相仇殺係屬蠻觸相爭然既據該部長稟請查辦若不力為排解何以示朝廷柔遠之仁且該部落密邇江孜設因彼此忿爭竄越藏境必致蹂躪地方尤應實力嚴防以固吾圉查有後藏糧員同知銜試用知縣劉韓文才識兼優曉暢邊事奴才等檄飭該員督同噶布倫扎喜達結酌帶漢番官兵馳往帕克里邊界查明起釁緣由調集兩造到案相機開導妥為了結以息爭端而安邊圉並將江孜等處賠為防範俾不致竄越滋擾蹂躪地方至辦理如何情形除俟該漢番委員等稟覆到日再行奏聞得旨即著督飭各員妥為查辦迅速了結毋任別滋事端○丙辰戶部奏光緒十年十二月初八日中等會議奏准部庫暨各直省開捐實官常例以裕餉源并於摺內聲明自奉旨之日起扣除封印日期予限一年限滿即行停止等因續據各直省將捐冊分送到部臣部亦隨時收捐計自開例起截至本年八月底止各直省共收捐銀一

百三十餘萬兩臣部共收捐銀八十五萬餘兩統計共收捐銀二百十五萬四千餘兩臣等查歷來開辦捐輸皆因急需濟餉本屬一時權宜此次捐例原為海防而設現在海防既定且距限滿之期不遠溯查從前籌餉籌賑每屆捐例既停各省獎冊尚未盡行造送道經臣部嚴催始據紛紛趕報其中舛錯遺漏駁查往返幾無了期此次海防捐輸即可復開前轍惟各省距京遠近不同則奉到部文自後先各異臣等公同酌議擬請飭下各省督撫等轉飭各該藩司統領以接到部文之日起除去封印日期扣足一年限滿一律停止其獎冊即於各該省停止之日起予限兩箇月趕緊造送到部毋得遲延臣部則以奉旨之日起截至十二年二月初八日亦即依限停止以符籌餉開捐特濟急需之意再查雲南貴州新疆三省迄今并無捐冊到部亦未報開辦日期應併請旨飭下各該督撫迅速奏報毋得再延得有允行○丁巳賞給五城煮賑米石○股如璋奏法人圍臺時統兵大臣梅以軍火不繼為憂自應平時妥為預備臣聞各省委員承辦外洋鎗礮子藥等項大抵與洋商勾結以陳年廢棄之物作為新貨收買浮冒開銷侵吞鉅款追將各件派給防營則皆有名無實不堪使用而虛費錢糧為數不可勝計該管大吏洞護私人從不加以譴責以致相沿成習近於臺省辦防以軍火為要需豈可開此弊竇應請飭下該撫於委員購辦軍火到省時逐件點驗如果施放不能得力即令委員賠繳原價繳不足額奏請革

職嚴追若臨陣失機係由軍火採辦不精所致即將該委員按軍法處治承修沿海礮臺亦應照此辦理
仍通飭各省一體遵辦似於軍需帑項不無稍有裨益 上諭軍機大臣等御史殷如璋奏各省委員承
辦外洋鎗礮子藥等項賄與洋商勾結收買廢棄之物浮冒開銷使存鉅款虛糜錢糧等語近來各省購
買外洋軍火每多弊竇虛糜鉅餉貽誤軍事實堪痛恨嗣後各將軍督撫等務當嚴加稽察於購辦到時
逐件點驗承辦委員倘敢以不堪使用之物充數冒銷即著從嚴參辦並令該員賠繳原價繳不足數革
職嚴追不准稍涉迴護至各處修築礮臺必應一律堅固並著認真查勘如有辦理草率即將承辦之員
從重懲處原片均著鈔給閱看將此由四百里各諭令知之○戊午諭軍機大臣等東三省邊防關繫極
爲緊要奉天鳳凰邊門一帶伏莽未清尤虞宵小蠢動亟應增營鎮懾現在營口防務已鬆所有雷正綰
馬步九營卽著該提督移往鳳凰邊門以外擇要扼紮用備緩急一切布置機宜著李鴻章與慶裕雷正
綰慎密籌商務臻妥善○諭軍機大臣等曾紀澤電奏緬英露端各情均悉前因未悉起釁之由自難空
言勸阻今知緬判英未商歇業因此生隙尙非不可解釋之事著曾紀澤向英外部告以緬係朝貢之國
中華與英友誼相關當可設法調處令雲督等派員向緬開導改判謝過以息兵端且看該外部若何答
覆儻彼萬難轉圜迅卽電聞另籌辦法○諭穆圖善奏遵保人材一摺除四川補用道劉麒祥業經左宗

棠保奏諭令送部見外福建過缺題奏道楊正儀著該督撫給咨送部引見○頒給恰克圖地方 關帝廟 龍神祠匾額○以賈修綱爲四川川北鎮總兵○已未頒給河南鹿邑縣 城隍神汲縣 關帝城隍神 龍神太康縣 城隍神匾額○辛酉倪文蔚奏查本年五月間廣盛兩府各屬地方均遭水患臣擬親赴災區查勘賑撫並勸欸籌捐各情業經會同督臣先後奏明在案臣於七月初一日具報起程後即乘內河輪船親歷廣盛各屬被水地方詳細覆勘此次水災以清遠四會二縣爲最重南海廣寧三水高要四縣次之新會花縣高明三縣又次之餘如番禺順德從化鶴山德慶封川開建七州縣及佛岡廳暨惠屬之河源縣韶屬之英德縣羅定州屬之西甯縣迭據印委各員稟報受災尙輕統計冲塌民房大小四萬五千餘間淹斃及受濕病亡男女實共七百餘人圍基漫決者一百八十餘處被水災民約共二十萬有奇此次仰荷 皇仁優加賑卹現復欽奉 皇太后懿旨發給鉅帑俾資賑撫臣徧歷災區督率地方宣布 慈恩百萬蒼生歡呼感泣所有災黎均經委員分別重輕逐一賑給銀米不致流離失所各屬被決圍基俱已酌量大小處所撥給修費督令各業戶量力捐助趕緊興工高要受災最先南海被災較廣其圍基間有修不如法壅遏水道者每年繕修勞費無已數逢其害均經臣親履查勘相度形勢因地制宜順水之性飭令改作務增完善伏查西北兩江建瓴而下每逢春夏盛漲皆以廣州爲歸墟之

所此次水災雖因西省蛟水驟發萬派奔騰橫流四溢貽害閭閻然推其受病之由實因順德香山新會東莞等縣地方海灘淤淺沙坦增多小民羣起爭利多築圍基與水爭地河道日狹宣洩不及每逢潦漲遂行泛溢爲害日深卽於今春清理沙捐時已經嚴札州縣定爲限制嗣後除已成圍基外不准添一圍一壩阻塞水道佔地曲防以期河流順軌現在縣宇開澄潑水漸退涸出之田無沙壓者已陸續耕種各鄉傾塌房屋亦已次第修建足資棲止民情安謐堪以上慰宸庥除受災較重各州縣錢糧應否蠲緩另行查明分別辦理並飭催各該縣將屬內圍基趕緊修竣具報得旨卽著督飭各屬將應修圍基趕緊辦理並飭令各州縣出示曉諭嗣後除已成圍基外不准私添圍壩阻塞水道以示限制尤宜隨時認真查禁毋得徒託空言○壬戌以文興爲內閣學士○成孚奏查運河工程自軍務迭興改由海運失治年久河身既節節淤墊堤閘亦處處傾圮一綫微流幾於湮廢嗣後雖經試行河運歲轉江北之十餘萬米藉以通舟將緊要各工間段修葺而工多欸絀皆不過擇要補苴爲一時權宜之計其間殘缺淤廢之處仍比比皆是來歲議加河運則舉凡培堤築堤修閘挑河以及潄泉蓄水各事宜均須先事預籌方免臨時貽誤然通工舉辦不惟經費匪細籌資維艱且恐倉猝圖功未易集事惟有擇其緊要關鍵豫事綱繆以收實效茲督率該道縣等逐事講求盡力籌備總以水泉暢旺啟閉得宜庶河路無梗阻之虞漕行

得利濟之益而修工之繁簡仍視增運之多寡爲權衡已函致漕臣督催江浙兩省將增漕確數先期知照以便酌定勘估及早奏准興工以期無誤至微湖存水告涸濟運無資已另案奏請估築攔河大壩以資收蓄仍恐來源衰弱難見增益又查得運屬南旺湖向收運河異漲之水當以汛汛漲時經運河驛收有存水該湖係洩水之區向不能濟運應將所蓄之水敢芒生間放入牛頭河下注南陽昭陽遞達微湖察看湖南地勢高下相宜宜放尚能順利其閘河身堤壩稍有梗阻殘缺隨宜疏濬幫堵可則節節通暢全注入湖並將彭口山河上游距河二百餘里之分水嶺及修水閘上柏山一帶泉渠按圖尋考凡可引水入湖者逐一認真疏濬俾益水源而資接濟該工向歸臬夫挑挖刻值微湖清水孔殷若仍地方官領銀飭辦恐輾轉稽時未能迅速應量爲變通由道籌款發給臬夫挑辦以免耽延似此層層收蓄雖未能卽符定誌而救弊補偏於湖漕且有裨益所有修挑各費分別從省節估共需銀一千六百餘兩飭道卽於該臬員應領欠另案工需項下通融發辦不准動用正款錢糧以歸撙節而目前急務尤在湖口大壩此壩不築雖有來源仍不免於漏洩歷來築壩均以霜降爲期刻卽本屆回空船隻已入東境阿城一帶現惟嚴催趁此水勢趕緊渡黃跟幫南下果能不誤限期則湖漕可以早築卽攔河大壩亦不至停工以待洩於湖漕有裨此外應修之河道應濬之汶源以及堤壩閘座等工正在飭催次第確估俟核

定容另具奏得 旨覽○癸亥諭軍機大臣等李鴻章奏會紀澤所定快船往返電商據構機艙不危

似可照式訂造等語此項船隻既據該大臣等詳細商定即著電知會紀澤依式訂造此事責成會紀澤

認真辦理務期適用毋得虛糜帑銀致干咎戾慎之○裴蔭森奏 旨於接管卷內查有戶部咨文內稱議

覆前兩江總督左宗棠等奏船政員紳書役薪工請准實支實銷一摺光緒十年五月二十五日具奏本

日奉 旨依議欽此欽遵鈔錄原奏恭錄 諭旨飛咨前來 旨查閱原奏係前船政大臣張謇元奏請將

製船經費貼水銀兩提作外銷津貼員紳等欸經左宗棠等議奏以船政係創開之局差事既異尋常員

紳薪水書役辛伙例外從優亦非過濫此外尙有公幹員紳盤費大小差船工食以及醫藥稿實油蠟紙

張一切雜費按之例章雖難造報而揆之事理實應開銷請 旨飭由船政衙門逐一釐定奏明准予實

支實銷分晰造冊報部毋庸另提貼水作為外銷津貼復經部臣議奏以左宗棠等所奏情節尙屬實事

求是請 旨飭令該大臣遵照該督等原奏請上自總理提調下至員紳書役人等月支薪水並一切雜

費逐一釐定奏明立案以憑核辦各等因前船政大臣何如璋張佩綸均以防務喫緊未及籌議 旨蒞任

之始將各項支欸逐一查核亟思釐定章程奏請立案著為 令與俾部中易於勾稽督辦者亦不得以

愛憎為厚薄庶幾良法美意可以垂示將來迨者察數月始知薪工數目參差之故為歷任諸大臣之苦

心有不如不能集事者敬爲我 皇太后 皇上陳之船政用人之難張夢元等先後陳奏已屢及之然其中尙有未盡者員紳當札委之始薪水視其官階津貼則視責任之重輕廠務之繁簡以爲區別支款既極參差任事以後或由簡調繁或由繁調簡支款又從而增減且廠員中有能留心西法通曉工程者復加增津貼以優異之即隨同員紳辦事書役按月支款亦以此法行之於量能授食之中寓獎勵人才之道皆歷任諸大臣所行之而有效者故均此一廠而各員支款不同均此一人而前後支款不同張夢元於督辦時目擊情形不得已而有外銷之請適蒙 天恩優渥准予逐一釐定實支實銷誠以船政爲創開之局關涉洋務本爲成例所無但能欸不虛糜事收實效即可著爲定章臣敢不仰體 聖慈參酌盡善第以歷任諸大臣聰明才力遠過於臣所定成法行之二十年而有效者臣何敢率議紛更致滋流弊惟有將員紳書役原支薪工津貼改爲實支薪工及一切雜費數目據實開具清單恭呈 御覽懇 恩飭下部臣立案嗣後如有添裁員弁增減薪費按年報部以憑核銷臣不敢稍有畏難之見祇以事關大局與其勉強以就範圍何如規隨以承矩矱伏查提調道員月支薪水津貼係左宗棠前在閩浙總督任內核定照閩省現任道員津貼銀數支給無論在工久暫不得增減其餘稽查學堂管理學堂文案支應以及各廠員紳當差勤慎者擬請自本年起月支薪水總不得過五十兩以示限制至部查貼水銀

數張夢元原奏業已陳明下戶部知之○甲子諭軍機大臣等李鴻章電奏已悉卽著電知許景澄照擬定造責令認真辦理以期適用毋得虛糜干咎所需加價銀十六萬餘兩著戶部籌撥○諭吏部奏遵議管獄等官處分一摺湖北按察使黃彭年應得降二級調用處分著加恩改爲降三級留任餘依議至此事究係刑名又非緊要之件該部於齋戒期內呈遞殊屬不合所有吏部掌官及承辦司員著交都察院察議○乙丑以孟冬時享 太廟 上前期親詣行禮○是月法蘭西國使臣巴特納回國戈可當繼之